

HIBRU

Hibru yokwowa ya yokwo prieiya Hibrumi iikamim yipiki naingwo tibmiiyim Jisis siiram ya sima winki aeya. Hibru iikamim yim Juda iikamim simiir inig whir ieya. Mi krima ninokninkin tani, ta yokwo aiirin nhinga piyamisi winkiya. Mi inkamim winkiyin siya hinina kigin Juda simiir iikamim naingwo tibmiiyim kirie rani sima simiir naingwo tibmii wina saiir haiburgigam tirkim simiir biyan siyiuin Mosesni siyiu komii si napiyin ini siiramar swoki amim. Mi ta yokwowa iikam imiirin min boinkika Jisisin Adi Komii siir yinisimin ini paekwosim ikim mi Moses ini simiir haiburin. Mi ta Jisis siir miya ya ini Mosesni miya saiir kou ywowa. Mi ta Jisis siir nhieya yipiki dimin biye biyeyim sim haiyoprimdiyumuigiya ya ini wraiumi nhieya saiir haibura. Jisis siya omwai hiriayar waiyayokiyokiigin. Mi ta hiriinan saiirsika siya simiir asi boinkikin sima Jisis siiram naingwo tibmiiyim yipikin biigibiiyan prisin inig komiigakin. Iriig.

Yaiya Adi Komii siir yinisimin siya hauuga krimiirin.

¹ Bidi bidiniyarin ii whiekakim bidi yamkiyim Adi Komii krimiir Wanin siya siir yaiyim profet kamim simiir boinmimauugin, siyupai siyupaiyim simiir. Mi ti yaiyim profet kamim sima ini krimiir brougaeyim simiir hauugiyim.

² Mi ta iya dig kingiin nwowi Adi Komii siya ta siir yaiya wi siir yinisim iir hauugi. Mi yio siya wi

krimiir swoki kwaboinmamaauwi. Adi Komii siya siir bɔdi yimbini siir digworaekwo whiekakim simiir haiyim. Mi biya Adi Komii siya siir boini mi siya ini siir yai imiirar wakaeyoknan. Mi siya ninomor nu sowiir digworaekwo imiirin asi nonkwokwokikim. ³ Ti siir yinisimin Jisis siya krimiir nisiimauugin dimin komii komiiyim paenan niuyaiyim Adi Komii siirim, siir yinisimin ini siir Adin siir hiriinana ywowin. Siir yaiya saeya kirieka, digworaekwo whiekakim ninomor nu sowiirim siyar sibgu kigirkaki. Mi siyar naokin paeyin hiniya nironinkinin siirin, iikamim simiir dimin biyeyim ini siyar haiyopriimdiyumiigiyim. Mi siya ha swoki insiin idwonamin mi siya ninomor koua hiriir yam mi siya Adi Komii siir ina inig miya ini idwoi inkam komii nu kigiraowiyin siir hiriinan. Iriig.

Adi Komii siir yinisimin siya ini paekwosimim simiir haiburim

⁴ Dimusi rani, siya ini Adi Komii siir ina inig miya nidwowin mi siya ini paekwosim whiekakim kou hir nwowim simiir haiburim. Mi ti inigin Adi Komii siya hauuwun siya iripi hiriinan siya ini paekwosimim simiir inig imiir haiburim.

⁵ Dimusi rani, biya Adi Komii siya paekwosim imiirin hiniina bi boinkin, Kima kariir yinisimkim, panao kara pi hiniina boinki kara kimiir Adgin.

Adi Komii siya paekwosim simiirin hiriinan yai bi swoki boinkin. Ningaka, nanga kanga. Siya Jisis siirara boinkin. ⁶ Biya Adi Komii siya siir yinisim yinhaomiyinin siirin nu tiriir nikropkiyam minin mi siya paekwosim simiirin hiniina boinki,

kima ti kariir paekwosimim kima siir inig iir
hainanprapraski.

7 Mi siya yai nhirim paekwosim simiirin hinina
boinkin,

paekwosim sima kariir miyan inkam dwo mi
simiir miyim opudnan hugidudu mirii. Mi
simiir kirieya paenan diudkwakwa.

8 Mi siir yinisimin siirin hinina boinkin,

kira ini Adi Komii ywowin kariir hiriinan. Kira
inkam komii digworaekwo whiekakim
simiir kigriraowiyin wi siir hiriinan nwowi.
finokinokin digworaekwo whiekakim kira
wi wadieyar sibgu kigriraowi.

9 Kira wi siyu miyik miyikim simiiraramar
naingwowi mi kira wi dimin biyeyim wi
simiiram naingwo rani. Kara kariir Adi
Komiyyin kariirin wi kara nokmwın ok-
wohaiginuwi, inig komiigak nwowamin mi
kira wi maigimaiga komiigakar nwowi.
Mi ta maigimaiga wi iikam whiekakim
simiir maigimaiga imiir haiburi.

10 Mi Adi Komii siya hinina swoki boinki,

Biiyan Inkam Komii, kira bidi bidiniyarın nu
ninomoro kariir ingar nonkwokwoko.

11 Mhoiia ninomor nuwo sowa wa digiguski mi
ni kira nningaka. finokinokin wi kariiyar
nwoyokiyokii mi ninomor nuwo yo wi wro
namwoiui yuis wronan.

12 Mi yio ini inkamin yuis kaba nitkaigiya
mi yaeya yuis win swoki haiiyin mi ha
niyyin ini siir hiriinan ywowin. Mi kira
nu ninomoro sowiirin wi hiriinanar mi
digiguskii. Mi wi yaeya nu ninomor win

swoki onkwokwoki mi ni kira wi hiriyyar
nwoyokiyokii ami, wi kisina rani.

¹³ Biya Adi Komii siya hiniina boinkin,
kira wi kariir ina inig miya nidwowi, maeyaua
inkam komii siya nidwowiya saiir. Mi kira
wi hiriyyar nwoyokiyokii mi wi iya kara
kiriir sauan omomim simiir nonkwobum-
buninkin iuguski wi saiir nadigiwi.

Adi Komii siya ti yaiyim simiirin paekwosimim
simiir bi boinkin. Ningaka. Siya siir yinisim
iirarar boinkin.

¹⁴ Mi yipikim paekwosimim, ha? Sima
naeyiunankim mi dimin taeminim Adi Komii siya
boiniyim sima pa wakaeyokna diriraerari. Mi
siya simiirin iikamim naingwo tibmiiyim simiirim
yikropki simiir whinkinsiisim Adi Komii siya
nimbinim nanmaiwarkainam simiir. Iriig.

2

*Adi Komii siya krimiir swoki anmaiwarkainaei
yio dimin komii ieyargin.*

¹ Dimusi rani, Jisis siya Adi Komii siir yinisimkin
digworaekwo whiekakim ini siyar kigirkakim mi
krima krimiir kwoinaw haigi nonkworinu saiirin
digiumii kipi haimriiyugi, wim wi ini hanin
kima kima priyakiririrkiisi. ² Adi Komii krimiir
Wanin siya biya siir yai nhirim siir paekwosimim
simiir boinmauugikin. Mi ta yaiya ha hainamim
mi ina boinmimauuwamim. Mi dimin taeminim
sima boinmimauuwim ina yimbiamim. Mi iikam
nhirim sima ta yaiya saika nantamyiriyiri mi
saiir wakaeyokna karam nwowi mi sima dimin
biye tiri mi sima wi hik kimpipisu prasae hai

rani, ti dimin biyeyim sima tirim simiirsiyin,
 dimin biyeyim sima tirim simiir digar swoki haii.
³ Mi hiriinankiniuwi mi krima ta yai komiia
 Adi Komii siya boina, siya nanmaiwarkainana
 digumii saiir haimriyuwi mi krima wi panina
 napiyoki iya Adi Komii siya dimin biyekak
 iikamim simiir tirbumbuwi saiirin, ha? Siyu
 karamaeka. Ningaka. Biya, Biyan Inkam
 Komiiyin siya hinina boinkin, Adi Komii siya
 wi krimiir nanmaiwarkainaei, iikamim sima ta
 yai aiir wakaeyoknaim sima hinina boinkim,
 ta yaiya saeya kaimwowaiga. Saeya niksise
 rani. ⁴ Adi Komii siyar nusiimauugin ti yayim
 sima kaimwowaigim, kiripai kiripaiyim siya
 tirim. Mi siya siyu miyik miyikim iikamim simiir
 whinkinsiisim tirkim mi Adi Komii siya naeyuin
 siir kwoin aiggar naingwo hauugin iikam imiirin
 mi siya siir dimin miyik miyikim iikamim simiir
 hauuwikim. Iriig.

*Jisis siya inkamnan nimbiamkin krimiir nan-
 maiwarkainaim.*

⁵ Ti yayim tariinan krimiir boinim, sima ti nu
 whirin wi mhoiya Adi Komii siya tirkii mi siir
 boinkin. Iikam yipikim siir wakaeyoknaim sima
 wi ti nu iir nwowi. Adi Komii siya paekwosimim
 simiir bi nimbingin ti nu win siir kigriraowamin.
 Ningaka. ⁶ Inkam nwirin Adi Komii siir yayim
 yokwoni siya winim saeya hinina winboinkika,
 Iikamim sima dimkim, kira simiiram
 naingwowyin? Mi yinisisimim yim
 dimukim kima simiir sibgu kigriraowiyim,
 ha? Iikam krima ini inig karamae ywowim.

7 Mi siya iikamim krimiirin wi ii priei nokmwın owaiginiu rani, paekwosimim simiir aowan. Mi kira diminim inkam komiıyım nu kigrıraowiyım digworaekwo whiekakim simiir sima haiiyım simiir hiriinan hauugin. Mi sima ini paenan yıuyakiyım. Mi sima ini inig komiigaka ywowın.

8 Mi kira digworaekwo whiekakim simiir nokmwın okwo haiginiugin.

Ihi, Adi Komii krimiir Wanin siya digworaekwo whiekakim iikamim simiir aowa haigınkin. Mi dimin whırkin simiir koua bi swoki haigin mimınkin. Nıngaka: Mi ti diminim krıma tariinanın simiir niki kig rani. Sima bi niki imbinikim. Nıngaka. ⁹ Mi tariinanın krıma bıdi yınoknınkınim dimin taeminim ti inkamın Jisis siirim. Mi ii priei rani, Jisis siya ti nu iir nwowın. Adi Komii siya siirin paekwosimim simiir aowa nokmwın okın mi siya ini inkam inig karamaenananar ywowın. Mi tariinan Adi Komii siya inkamın inig komiigakın siir hiriinan yokmwın owaiginiu mi siya ti dimin paenan niuyaeiyın Adi Komii siirim simiir hai. Dimusi rani, siya naokın iikamim krimiir dimin biyieyım mi krimiir hikim simiir haiyım. Mi Adi Komii siya iikam krimiirın wi dimin miıyık miıyık imiir hiriinansi tir haiginiıwi. ¹⁰ Mi ini mi owın Adi Komii siya digworaekwo whiekakim simiir Adi mi owın mi simiirın siyar mi onkwokwokiyın ini mi owın. Mi siya Jisis siirin minam nımbingın ti hik imiirın siyar mi haii siya kimpıısuam ini owın. Mi ta hıka Jisis siir tira mi siya ini iikamim simiir nanmaiıwarkainan inkam komii kın yamwoııın.

Mi kríma wí Adi Komii siir yínisim asi nwowí. Mi mhoíya kríma wí siir dimín miíyík miíyíkím nínómór kóuáním wí simiir haii.

¹¹ Kríma dínoknínkín, tí inkamín siya iikam whiekakím simiir dimín biyíe imiir bidi haiyoprimdiyíumiígiyím mí tí iikamím síma íní rírmííya ywokiým, simiirín dimín whírki bí kímbugím. Mí Jísís siya mí síma, síma íní Adi Komii siir yínisim arar ywowín. Mí Jísís siya simiirín siir nomousísím níkiusi panínsi yídidsi. ¹² Mí siya boín,

Adi Komii kara kírír inígín wí kariir nomousímím simiir boínmauwí. Ihí, simiir whwonkam idáin kara mwai waowí mí wí kírír iníg iír hainani. Maeyaua iikamím naíngwo tíbmií kíniyím írípa síma haíngiriyíu omímíriya saír hírin.

¹³ Mí siya híniína swokí boínki, Kara wí Adi Komii siir yai imiírar naíngwo tíbmií kíni. Mí siya híniína swokí boínki, kára kariir kígi, kara tísi tírar nwowín. Mí Adi Komii siir yínisímím kariir hauuwím síma tísi kanaka tírar nwowím.

¹⁴ Mí kríma tí siir nomousímím píugak nhiekakaírgím mí Jísís siya íní írípí híriinan inkama mí amwoíuín píugak nhiekak mí siya wa mí aowí mí siya Setan siirín wa nonkwobumbunínkín íuguski mí siir siyíuín iikamím simiir tírbumbu aokaowiyín siir warar.

¹⁵ Mí siya híriinan mínsi tírkín, iikam kríma naosi naíngwo ídidi mí Adi Komii siir kígi mí mhoíya kríma wí naosi nídid rani. ¹⁶ Siya tí dimíním simiirín paekwosím simiir whínmíriiyím bí mínkín. Níngaka. Siya iikamím Ebrahim

siir isidin siirin kr̄miir whindir̄raeraram nit̄kin.
¹⁷ Mi ti hiriinan siȳuūn siya inkam asi nwokin,
 siir nomous̄sim̄m kr̄miir hiriinan. Mi siya
 wa mi m̄rii pr̄smi biyan inkam komii siir
 hiriinan iki iikam̄m simiir̄si naingwoȳimiyokin.
 Mi siya m̄nsi naokin Adi Komii siir iowa siya
 nwowa dim̄n biȳeȳim simiir̄ saiir̄si. Mi siya
 iikam im̄iir̄in Adi Komii saika nwoki ink̄iamasu
 haiḡiniuw̄im sima ir̄ipa nongwomam̄ir̄ aeyam.
¹⁸ Mi siya hikpai hikpaiȳim siir n̄mbiyam̄m mi
 siir kinank̄uūm simiir̄ k̄imp̄ip̄isu b̄idiyar haiȳin.
 Dimusi rani, siya w̄i nwoki k̄ign̄inokn̄ink̄in̄im
 iikam̄m ti hiriinan hik k̄imp̄ip̄isu haiȳim simiir̄in.
 Iriig.

3

*Jisis siir in̄ig komīiȳin in̄i Moses siir in̄ig komii iir
 haibur̄in*

¹ Nom̄īiyauw̄im ȳip̄iki Adi Komii kr̄miir
 Wan̄in siiram naingwo t̄ibm̄ii k̄in̄im. Adi
 Komii k̄im̄iir̄am̄in m̄nam n̄ik̄iun̄akin dim̄in̄in
 big nas̄m̄ir̄waiya Adi Komii siya nwowan̄in siir
 t̄ir̄im. Mi k̄ima Jisis siir̄im sibgu daingwokwo,
 Adi Komii siya Jisis siir̄ar n̄ikrop̄k̄ik̄in siir yai aiir
 boin̄m̄im̄auw̄am dim̄in wh̄iek̄ak̄im siya t̄ir̄iȳim.
 Siya pr̄smi biyan inkam komīiȳin siya t̄ir̄iȳim siir
 hiriinan. Mi kr̄ma ti yāiȳim siya boin̄im simiir̄ar
 wakaeyokna boin̄m̄im̄auuk̄in iikam̄m simiir̄in.
² Adi Komii kr̄miir Wan̄in siya b̄idi ȳimbin̄in ta
 siir m̄īya saiir̄in mi siya ta Adi Komii siir m̄ī
 m̄īȳik̄ aiir̄ar asi sibgu wakaeyokna m̄rii, siya
 Moses siya t̄ir̄in īiya siya Adi Komii siir iikam
 im̄aka nwowa saiir̄ hiriinan t̄ir̄kin. ³ Mi Adi Komii

siya minam kiwakikin Jisis siir inigin Moses siir inig iir haiburim. Inkamin omaka komii miriyyin mi inigak ha nwowiyin siir hiriinan. Omaka saeya bi nwowika inigakin. Ningaka. Inkamin nonkwo miriyyin siyar nwowikin inigakin. ⁴ Omakaim sima sima bi mirii naeikim. Ningaka. Omaka whiekakim simiirin inkamki nonkwo miriigim. Adi Komii siyargin digworaekwowim simiir bwamkibwamin. ⁵ Moses siya whisarii mi miriyan inkamkin. Mi siya Adi Komii siir yai imiirar sibgu wakaeyoknaeikin iya siya Adi Komii siir iikamim simaka hir nwowa mi siya Adi Komii siir dimin taeminim mhoiya nimbiamyami simiir boinmimauugin. ⁶ Mi inkamin Adi Komii siir iikamim simiir kou nwowin yio Jisis Krai sasaigin. Mi Adi Komii siir yinisimin miyim siya miriyyim ini wadiekinar mi owim. Mi nim krima iikamim naingwo tibmii kinim nim krima Adi Komii siir piuganka. Mi krima naingwo tibmii kinni Adi Komii siiramin mi kirie hiriyyar nwowi mi krima siiramin maigimaiga hiriyyar nwowi, krimiir nanmaiwardainam. Mi krima iikam naingwo tibmiyyim wi Adi Komii siir piugan nwowi. Mi krima naingwo tibmii kin karam nwowi, siya wi krimiir nanmaiwardaina rani. Ningaka. Iriig.

Mi iikamim Adi Komii siir yai aka nantamyiriyiriyim sima wi iripa nongwomamair ae rani.

⁷ Dimusi rani, krima ini Adi Komii siir iikamnan ywowim. Mi krima Adi Komii siir naeyiu miyikin siir yai imiirar wakaeyokna. Siya

hɪnɪna boɪnkin, panao kɪma pɪ siɪr yai aiir wakaɛi,

⁸ mɪ kɪma kɪmiɪr mɦɪi kwoɪnim pɪ kɪpɪ kɪkɪntɪmdɪnu kɪpkai biya kɪmiɪr yɪdiwi wanwiyaɛyɪm sɪma kariir yai aka nantamyɪriyɪra saiir hɪriinan, iya sɪma nu siiyɪn apa nɪnga hɪr nwowa.

⁹ Mɪ sɪma kariirin saiir kɪnankɪugɪm. Mɪ ta maeyau aiirin kɪmiɪr brougaɛyɪm sɪma dimɪn whɛkakɪm kara tɪrim sɪma biɛwiɪyɪm kamnwosa kɪgɪm. Mɪ sɪma hɪriinansi bi nwokɪm, sɪma ɪni kariiramar swoki kɪnankɪu kɪpkaiyɪm.

¹⁰ Mɪ kariir kwoɪnin tɪ iikam isidin simiirɪmɪn hauugihauuga asi whwiɪɛkɪn. Mɪ kara ɪna boɪnin, ɪnokɪnokin simiɪr mɦɪi kwoɪnim yaɛya siyɪu whɪrɪma naɪngwowɪ siir napam.

¹¹ Mɪ kariir mɦɪi kwoɪnim haugɪhauga asi whwiɪɛkikɪm simiiramɪn mɪ kara hɪnɪna nɪkopaisɪrki, tɪ iikamɪm sɪma wɪ kariir om miyɪkɪn pɪu siisiyɪn wɪ siir swoki ɪt rani. Nɪngaki nɪngakiɪnga!

¹² Mɪ kɪmiɪr kwoɪnim wɪ dimɪn biyɛyɪm simiirɪm pɪ naɪngwowisi mɪ kɪma wɪ tɪ Adi Komiiyɪn omwai waiyayokiyokiɪyɪn wɪ digɪumɪi siir haimriiyɪugigisi. ¹³ Mɪ tariinanɪn ɪnokɪnokin kɪma ɪrɪra nwonwɪra kɪma kɪmar whɪnkɪnsiis ankɪnsiisnaɛi mɪ kɪmiiram kɪnankɪuwi mɪ kɪma wɪ Adi Komii siirin wɪ digɪumɪi haimriiyɪugig rani. Nɪngaka. ¹⁴ Kɪma, kɪma kɪma whɪnkɪnsiisna. Dimusi rani, biɪgɪ biyɪn krɪma Kraisi siir yai aiir wakaɛyɪm, kɪma biɪɪyar yaɪngwo tɪbmiiyɪm mɪ krɪma biɪɪyar sɪbgu ɪtinakɪu kɪpkaiyɪm. Mɪ krɪma hɪriinan tɪriyokiyokɪi ami mɪ iya krɪma naowi wɪ

saiirar nadigi'uwí. Mí kríma ñinokñinokín wí Kraís saíka nwoyokiyokí.

¹⁵ Kríma ína ñinokñinokínim, ta yaiya ína nwokrípkaiya. Saeya híníina boínka, Mí tapa kíma siir yaiya saiir wakaei mí krímiir mhií kwoiním kipi kintímdínu, bíiya kímíir brougaeyím bíiya síma nantamyíriyíra saiir híriinan.

¹⁶ Yí'íkí iikamkím bíiya Adi Komii siir yai aiir wakaeyokna karam nwowím mí saíka nantamyíriyírim, ha? Tí iikamím Moses siya níkiunamím nu Isib hírankí mí ha namím síma.

¹⁷ Mí híewi kamnwíso Adi Komii siir kwoinín haugíhauga nhíníiram whiyékin, ha? Siya iikamím siyíu biyíe tírim kwoin haugíhauga símiiram whiyékin mí síma íni maeyau siiyín apáin íni hír yaokaowím.

¹⁸ Bíiya Adi Komii siya nhíníir nokwao boínkin, ha? Síma wí om míiyíkin píu siisiyín wí siir nam tani kara símiiram nímbinín Níngaka. Tí iikamím Adi Komii siir yai nantamyíriyírim siya símiirar boínkin. ¹⁹ Kríma ína ñinokñinokínim, síma bí naíngwo tíbmií kíngím. Mí síma omín Adi Komii siya nímbinín símiiram píu siisiyín siir bí namkím. Níngaka. Dimusi rani, síma bí naíngwo tíbmiikím mí Adi Komii siir yai aiir bí wakaeyoknakím. Íriig.

4

¹ Adi Komii krímiir Wanín siir ním'bina saeya ína níki owa, saeya híníina boínka, kíma kariir omín píu siisiyín siirín wa napñinopkai nami. Mí híriinankí níuwi kríma mántarao Adi Komii siya krímiirín wí siir omín píu siisiyín siir kígnínkin

apn̄nopkaigi karamae nwowisi. ² Kr̄ma Adi Komii siir yaiȳm ina wakaeȳm biya kr̄miir brougaeȳm sima wakaeya saiir h̄riinan. Mi sima hindara wakaekim mi sima bi naingwo t̄bm̄ii k̄nḡim mi ta Adi Komii siir yaiya sima wakaeya, saeya simiir bi swoki whindir̄iraerarka. N̄ngaka. ³ Kr̄ma iikam̄m naingwo t̄bm̄ii k̄niȳm kr̄ma ti om miȳikin pīu siisiȳin siirar namikim. Biya Adi Komii siya boin̄in saiir h̄riinan, ta yaiya h̄niinga. kariir kwoin̄in hauugīhauuga whwiyeikin mi kara h̄riinan asi nikopais̄is̄ir boink̄in, iikam̄m kariir yai waka karamae nwowim sima kariir omin pīu siisiȳin wi siir napn̄nopkainani rani. N̄ngaki, n̄nga, k̄nga!

Adi Komii siya nu ninomor sowiirin ha nonkwokwo digiȳin mi siya pīu ina siisin. Mi mhoīiya siya ti omin pīu siisiȳin simiir̄am ha boink̄in. ⁴ Mi Adi Komii siya Yokwo Komii saiir̄in īi irīiyar kw̄saka saiir̄in h̄niina boink̄in mi īi irīiyar kw̄rim Adi Komii siya mi whiekakim simiir mir̄ii digi mi īi irīiyar kw̄saka siya pīu saiir siiskuwak. ⁵ Mi ta Yokwo Komiiya saeya h̄niina swoki boink̄ika, sima kariir om miȳikin pīu siisiȳin wi siir napn̄nopkainani rani. N̄ngaki, n̄nga, k̄nga! ⁶ Mi ta yaiya h̄riinana ina niki okrip̄kaiya mi nh̄rim naingwo t̄bm̄ii k̄niȳm, om miȳikin pīu siisiȳin siir̄in wa napn̄nopkainami mi iikam nh̄rim biya yai win kibi aiir wakaeȳm mi ha swoki antamȳiriȳim, sima wi omin pīu siisiȳin siir h̄riir napn̄nopkainam tani. N̄ngaka. ⁷ Dimusi rani, iikam̄m yip̄iki bīigi bīi wakaeȳm Adi Komii siir yai win kibi aiir mi

ti omin piu siisiyin siir nam karamae nwowim
 Adi Komii saika mi Adi Komii siya simiiramın
 iya kwira swoki imbin piu saika siisim. Mi
 mhoiya biewi biewiyim bidi yamkiyim, Adi
 Komii siya digworaekwo whiekakim Devidki
 si winboinkiyim Yokwo Komiini siya hinina
 boinkin,

Mi tariinanin kima ta yai aiir wakaei, kima wi kipi
 nantamyiriyir.

⁸ Mi Josua siya simiirin ti omin Adi Komii siya
 nimbiniin piu sima siisam, siir hiriir whinamkiswo
 mi Adi Komii siya wi yaeya igwir di swoki imbini
 piu sima siisamin. ⁹ Mi hiriinankiniuwı, krıma
 dinokninkin, igi ti kana piu siisiya Adi Komii siir
 iikamim simiira ya ina niki owa. Ya ini ta ii
 iriıyar kwısaka, iya Adi Komii siya digworaekwo
 whiekakim simiir nonkwokwo digiya mi piu ha
 siisa ini saiir hiriinan ywowa. ¹⁰ Mi Adi Komii
 siya digworaekwo whiekakim ha nonkwokwo
 digiyin mi siya piu ina siisin. Mi iikamim yim
 wi hiriinanar mi tiri, sima wi simiir mi imiir
 haiburgigi mi piu wi Adi Komii saika nini siisiuwı.

¹¹ Mi krıma wi krimasiyar mintaraona krıma wi
 omin piu siisiyin wi siir nwoki amim mi wi Adi
 Komii saika nini owouwim mi kima Adi Komii
 siirin digiumii kipi haimriiyugigs mi saika kipi
 nantamyiriyir biya kimiir brougaeyim sima tira
 saiir hiriinan.

¹² Krıma krimasiyar mintarao ti digworaekwo
 imiirsıyin. Dimusi rani, Adi Komii siir yaiya
 saeya hinda bi priiyokaeyamka. Ningaka. Saeya
 ina miriıya. Saeya ini wismir iokaka saiir io
 aiir haibura. Mi saeya inkamni hanin ii tirırar

bi naka ikwoyamyaenakika. Nɔngaka saeya mɔii kwoina hiriyar krimkrikninopkainamika, inkamin inibgi iniba krimkrikninopkainamiyin siir hiriinan. Mi krimiir kwoinin pi saeyar kisisop hid haiginuwi. Mi krimiirin pi saeyar mi iisiimauwi, wadiekipiyamisi owin, iyie? Wadie rani. ¹³ Dimin whir karamaeka Adi Komii siirsi kimirkaaiyim. Nɔngaka. Digworaekwo whiekakim tika nwoyokiyokiiyim, siya simiirin ina kigirkakin. Mi siirin, krɔma digworaekwo whiekakim krɔma tirim, simiirin hiriyar boinmimauu swoki. Mi siya wi krimiir nwoki hidim. Iriig.

Jisis siya krimiir prismi biyan inkamkin.

¹⁴ Krimiir biyan pris inkamin siya bidi yamin mi siya ini Adi Komii saika nwowin siir om iir. Tiki inkamin, yio Jisis siyairgin Adi Komii siir yinisimin. Mi krɔma sibgu daingwo tibmii kin mi sibgu daingwo omok Jisis Kraiis siiramɔn ti krɔma boinmimauuwin inkamin. ¹⁵ Mi iikam krimiir kwoinim bi sibgu owipisuwikim iki dimin biyie biyeyim krimiir kinankiuwiyim, krɔma bi sibgu okworinuwikim. Mi ti digworaekwowim krimiirin wi sima nikwowaisii krimiir kwoin imiiram kinankiuam. Mi krimiir biyan prisin siya krimiirsiyin naingwoyimiyok prasae rani, ti inkam naingwoyimiyok komiigakin siir hiriinan digworaekwowim krimiiram kinankiuim simiirsiyin. Mi siya krimiiram dimusi naingwoyimiyok rani, ti digworaekwo hiriinanɔm krimiir kinankiuim, siirin bidiyar mi kinankiuim. Mi siya simiir bi napkin mi siyu biyie ha bi tirkin. Nɔngaka. ¹⁶ Mi hiriinanki nuwi, krɔma wi kipi nidid. Krɔma Adi Komii

siiramın hiriyyar kwisboɩnanae, krɩmiir dimin biyeyim simiir haiyopriimdiyumiigiyam mi krɩmiirin wi siyar mi whinkinsiis haiginiuwi, ti dimin biyeyim krɩmiiram kinankuɩm simiirsiyin. Mi krɩma simiir nikwowaisiiyim wi digar mi owi. Iriig.

5

Jisis siya krɩmiir biyan prisin siya wi digar nwowi krɩmiir dimin biyeyim simiir haiyoprimdiyumiigiyim

¹ Mi Juda iikamim, inkamın prismi Biyan Inkam Komii nwowamın siirin pi simar nokmwın okwo haiginiuwi. Mi ti prismi biyan inkam komiiyin, iikamim simiir miyim pi siya siyar mirii yokiyokiii inokiiinokin. Mi iikam imiiramın nhwo pi siyar kwisboini. Mi simiir nae miyik miyikim pi siya mi inkin imiyyaei Adi Komii krɩmiir Wanin siirim simiir dimin biye imiirsi.

² Mi prismi biyan inkamın siya iikamim Adi Komii siir yai aiiir wakaeyokna ap karam nwowim, habwowhaenan nwowim mi siyu biye ha tirim simiirsiyin naingwoyimiyok pranae bi kinikin. Mi siya krɩmiirsiyin wa naingwoyimiyoki. Dimusi rani, ii nhirim siirin dimin biyeeki nipiyaokiii, yio wi hiriinan siyu biyeyar mi tiri, krɩmiir hiriinan.

³ Siya naeyim Adi Komii siiramın krɩmiiraramar bi ninkin imiyyaeikin. Niingaka. Siya, siyam warar mi inkin imiyyaeikin. Dimusi rani, ii nhirim siirin dimin whirki kinankiuwi, siya wi siyu biyeyar mi tiri. Mi Adi Komii siya wi siir dimin biyeyim mi krɩmiir ikim wi simiirar haiyopriimdiyumiigi swowi. ⁴ Inkamın prismi biyan inkam nwowiyin,

siya inig komiigakin. Siya siirara kwoinkar bi nwokin, ta hiriinan mi aiirin. Nningaka. Siirin Adi Komii siyar nokmwın okwo haiginiugin, ta mi aiir miriyyamin. Biya Eroni, siya nokmwın okwo haiginiuwın siir hiriinan prismi biyan inkam nwowam, saiir hiriinan.

⁵ Mi Krai siya prismi biyan inkam nwowamin sasair bi nwokin. Nningaka. Siirin Adi Komii siyar nokmwın okwo haiginiugin. Mi Adi Komii siya siirin hinina boinki, Kira kariir yinisimkin! Mi tariinanin kara ini kiriir ad ywowin.

⁶ Mi Adi Komii siya Yokwo Komii saiirin Jisis Krai siirin hinina boinkikin, kira wi prismi biyan inkam nwowi inokinokin. Ti prismi biyan inkamin Melkisedek dapiyin siir hiriinan.

⁷ Mi biya iya Jisis siya nu tir nwowin, inkam krimiir hiriinan mi nhwo ha kwisboinin Adi Komii siiram, ouuba ini warar yaokiinainiya. Mi Adi Komii siya dimin taeminim siya kwisboinin simiir wakaeyin mi siya siirin ina whindiraerarin. Mi siya bidiyar iki aonamin mi siirin Adi Komii siya swoki hidninsiin idwo ie hiranki. Mi siya ini omwaiyar swoki waiyain. Dimusi rani, siya, siyamar bi naingwonakin. Siya Adi Komii siir kwoin iirarar napkin. ⁸ Jisis siya Adi Komii siir yinisimkin. Mi siirin dimin kasa kasaki bi nonkwoninwoimwainninkin haiginiugin. Mi ti digworaekwowim siir nonkwoninwoimwainninkin haiginiuwim yim siir whinkinsiis haiginiugin. Siya Adi Komii siir kwoin iirar sibgu wakaeyokna apim. ⁹ Mi

siya Adi Komii siir kwoin iirarar napkin. Mi ti hiriinan siyiun yio min nisiimauugin siir kwoinin dimin biye whir swoki aingwo rani. Ningaka. Mi ti hiriinan siyiun siya wi dig asi nwowi, iikamim yipiki siir yai aiir wakaeyokna apim simiir nanmaiwarkainam. Mi sima wi omwaiya nwoki waiya yokiyokikaeyamim. ¹⁰ Adi Komii siya yokmwın okwo haiginiu Jisis siirin prismi biyan inkam nwowam biya Melkisedekni siya nokmwın okwo haiginiuwa prismi biyan inkam nwowam saiir hiriinan. Dimusi rani, ti diminin Jisis siya nanmaiwarkainan simiir dimin bibiyeyim simiir saiirsika. Iriig.

Krima wigkam inkam adiyaowaenan dwo Adi Komii siir yai aiir wakaeyokna apamin.

¹¹ Mi Krais Melkisedek sowiir diminpai diminpaiyim kara simiir boinmimauuwamin ina naingwowin. Mi kara simiirin wi sibgu nanaakninkii rani. Dimusi rani, kimiir kwoinin ini habwowhaenan ywowim. Mi kimiir kwoinin ta yai aiir wakaeyamin rirmiiya bi nwokin. ¹² Kima kwokikwokiyaeya bi naingwo tibmii kingim wi Adi Komii siir yai aiir nowomwarkaiyiuan iikam pi ywowin. Dimusi rani, kima Adi Komii siir yai aiirin kwokiyaeya bi mi aingwo tibmiigim. Mi kima dig bi nwokin ini yinkinyaeyaowim. Mi Adi Komii siir yaiya biya kima wakaeya saiir bi sibgu ninokninkinkim. Mi wim kima iikam nhiramin ina naingwowim, kimiir swokini owomwarkaiyuniyim. Mi kima wa nwoki inokinkinim kima inakamae rani, nae kirie kirie bi rimtiowikim. Kima ini yinisim

praigaknan ywowim, ini mwiiyar niki aeyim. Dimusi rani, kima Adi Komii siir yai aiir bi wakaeyoknakim, kima tira saiir hiriinan. ¹³ Krima dinokninkin, iikamim biya ta Adi Komii siir yai aiir niki wakaeyim mi sima mhoiia kwisaka ha swoki wakaai mi yim ti hiriinan iikamim ini habwowhaenan ywowim. Sima kirie karamaeka yim ini yinisimin siir yopiini mwiiya niki aeyin ini siir hiriinan ywowin. Sima Adi Komii siir yai aiir bi ninokninkinkim piki hiniina dimin ikin biyeyin mi piki hiniin dimin ikin wadeyin. ¹⁴ Iikamim inakamae nwowiyim yim nae kirie kirieyim ha naeikim. Mi yim sima ina ninokninkinim, piki hiniin nae ikin biyeyin mi piki hiniin nae ikin kibiyin. Mi yim ini iikamim naingwo tibmii kuniyim mi kiriekak ha nwowim, ini simiir hiriinan ywowim. Mi ti hiriinan siyiin ini iikamim naingwo tibmii kuniyim sim naingwo omok diriraerariyim piki hiniin dimin ikin biyeyin mi piki hiniin dimin ikin kibiyin ini simiir hiriinan ywowin. Iriig.

6

¹ Krima yaiya Krais siira biya sima boinmimauuwa idowigidiowiiyana saiiraramar kipi naingwokripkai. Krima siir yai nhirim aowa aowanin warar wakaeyokna ap. Mi krima wi siir mhoiia nwoki amim, ta krima tira saiir hiriinan. Mi krima ti yaiyim biya krima wakaeyim simiir simiira kipi naingwokwonanae. Taka yaiya ya hiniinga, krima siyu biye siirin digumii haigingig, naokaoiga krimiir niniuwiiyin mi Adi Komii krimiir Wanin siir yai aiir wakaeyokna

apnam. ² Mi ta yaiya biya krɪma boinmɪmauwuwa kimiir baptaisni siyɪupai siyɪupaɪyɪm sim mi iikamɪm iina simiir mwo imiir mi onkwowɪm Adi Komii siir dimɪn kɪrɪe komii komiiyɪm simiirin ha mi iisiisiimauu mi ombud komiiyɪn ha naokaonamɪm mi simiirin iɛ hɪrankar mi kininsiin idwo mi iya Adi Komii siya simiir hidana nhirim wi paeya nami mi nhirim wi ninomor koua nami. Mi ninomor koua namɪm yɪm wi omwaiyar waiyayokiyokii. Mi hiriinan digworaekwowɪm yɪm kimiir nowomwarkai haiginiugin. ³ Adi Komii siya krɪmiir whɪnkɪnsiis haiginiuwam tiri. Mi krɪma wi iki siir yai nhirim simiir nwoki wakaeyokna apɪm, krɪma tira saiir hiriinan.

⁴ Kara kimiirin hiriinan mɪnsi boinki. Dimusi rani, iikam nhirim biya sima bɪdiyar iki aingwo tɪbmii kɪnɪm. Mi sima Adi Komii siir yai aiirin bɪdiyar sibgu wakaeyoknaɪm. Mi sima dimɪn miiyɪk miiyɪk bɪdiyar mi haiyɪm, Adi Komii siya hauugiyɪm siir om hɪrankɪn. Mi Adi Komii siir naeyiun simiir piɪu bɪdiyar mi ii okwokaiyɪm. Mi sima Adi Komii siirin digumii haimriiyugigi mi krɪma simiirin wi panina swoki boini, ti siyɪu biyeyɪn siir haiburgigɪm mi Adi Komii siiram swoki amɪm, ha? Nɪngaka. Yɪo siyɪu rani. ⁵ Sima bɪdiyar yɪnoknɪnkɪnɪm Adi Komii siir yaiya biya sima wakaeya, saeya yai bɪmbɪuwi rani. Mi dimɪn kɪrɪe komii komii nhirim biya Adi Komii siya tirɪm bɪdiyar mi kigɪm. Mi mhoiɪya krɪma wi simiir whiekakar kigswowi. ⁶ Mi sima Adi Komii siir yai kɪbi aiirin digumii haigingiki mi krɪma wi panina tiri, simiir swoki ikiunaniyɪm Adi Komii siiram swoki itam ha? Nɪngaka. Yɪo siyɪu rani. Sima wi

Adi Komii siir siyiu iir swoki ap rani. Nɛngaka. Dimusi rani, yio ini Jisis siirin paeyin hiniya nironinkinin saika swoki inkin irinu isomaoni hinin ywowa. Mi iikam nhirim sima ti hiriinan siyiun siir kigi, sima wi Krais siir tɛrgigini.

⁷ Iikamim yipiki naingwo tibmii kinim mi Adi Komii siir yai aiir sibgu wakaeyokna apam, yim ini ti nuin siir hiriinan ywowin, iya naoki kinkiiyim mi nao opa ha sinkainainamiya. Mi sasaeyim inkamki ninkinim ha sibgu inan iigiyim simiirin pi Adi Komii siyar kirie haiginuwi. Mi iikamim yipiki Adi Komii siir yai aiir sibgu wakaeyokna apiyim yim ti nu miyikin ini siir hiriinan ywowin. ⁸ Mi iikamim biya niki aingwo tibmiiyim mi tariinanin, digumii Adi Komii siir swoki haimriiyugigim, yim ini nuin wapnao minkin ninkisaioae nankaiyin ini siir hiriinan ywowin. Mi ti nuin yio nu miyiki miyik rani. Mi Adi Komii siya wi io ti hiriinan nu iir nwowi. Mi siya wi ha boini, ti nuin, nu paii rani, siirin wi siya haingimugii. Mi iikamim biya naingwo tibmiiyim mi Adi Komii siirin digumii ha swoki haimriiyugigim, simiirin wi Adi Komii siya boinwokiyopnatkaigi paeya. Ti nu biyeyin Adi Komii siya haingimugiyin siir hiriinan.

⁹ Ti kariir akam kingikinin, ta yai biye hiriinana kara boinkiya kimiir, kara ha naingwowi, kima wi dimin miyik imiirar tiri mi wa sibgu wakaeyokna api. Mi Adi Komii siya krimiirin wi hiriinansi nanmaiwarkinaei.

¹⁰ Adi Komii siya inkam biye rani mi siya dimin taeminim kima tirim simiirin wi ha naingwo owouu rani. Nɛngaka, siya wadiekiwadie

ieyargin mi siya ina naingwowin dimin taeminim kima tiriiyim simiirin. Mi ti hiriinan dimin taeminim kima tirim iki iikam nhirim biyanim sim mi ha nityokiyokiiyim mi tisi tariinanar nadigniyim, yim Adi Komii siir niisiimauugin, kima siiram naingwowi. Dimusi rani, kima siir yai imiir wakaeyokna apkim. Mi Adi Komii siya ti digworaekwowim sima tirim simiirin wa naingwowi. ¹¹ Mi kara irira nwinwira kimiiram ha naingwowi, kima kirie hiriyar dwoyokiyokiiyam, Adi Komii siir digworaekwo imiiram. Mi siiramın hiriyar nwokwokinim iya Jisis siya swoki iti krimiir nanmaiwarkainaim. Mi kima hirii hiriyar tiryokiyokii ami mi wi kimar naobudgii. ¹² Kara kimiiramın minam naingwowi, kima Adi Komii siiramın piugi kipi piyao. Kima iki iikamın Adi Komii siiram naingwo tibmiiyim simiir yai imiir wakaeyokna. Mi iya siya swoki itana saiirim nwokwokini, sima wi dimin miyik miyikim biya siya boinim krimiir, wi simiirar hauuwi. Iriig.

Krīma daingwo tibmii kīn.

¹³ Mi biya yai nhirim Adi Komii siya Ebrahim siir boinmimauuam tirim, siya simiirin wa boinmimauuwi. Mi siya ti yayim siir inig iirar swoki ikopaisisirnaeikin. Dimusi rani, siya Adi Komiigin, siir kouin inkam nwirki bi nwokin. Ningaka. ¹⁴ Mi siya siirin hinina boinkin, Ebrahim, kara kimiirin wi dimin kirie komii komii imiirar tir haiginiuwi. Mi mhoiya kiriir isidin siir yinieyim wi kasa nwo rani. ¹⁵ Mi ta saiir mhoiya Ebrahim siya ina kaoraraowin, ti diminim Adi Komii siya boinkiyim siiram,

sima nimbiamam. Mi siya hiriyyar kaokaigiyin, ini ti digworaekwo imar yimbiniyim. ¹⁶ Mi iya inkamin dimin whir nimbiniyim, siya pi inkamin inigin kouwarigsim nwowin pi siir inig iir nikopaisisirkii. Mi ti hiriinan siyuin iya inkam nhirkim siir yai aiirin hiriinan wakaekii mi sima wa boinki, ihi, dimin siya nimbini yio wa tiri. ¹⁷ Adi Komii siya iikam krimiir nsiimauuwam tiri, yipiki ti digworaekwowim biya siya nimbingiyim krimiir, simiir haiyanim. Siya krimiirin min nsiimauugin, ta siya nikopaisisira siir inig iirar mi saiir. ¹⁸ Mi ta yaiya Adi Komii siya nikopaisisirkiiya siir inig iirar, ya krimiirin min nsiimauuga, dimin siya siir inig iirar dapikopsisirkiiyin, yio bi swoki ikopsasaeikin. Yim ti hiriinan diminim yim krimiir kirie haiginiugim. Mi ta kirieya ya wi hiriyyar nwoyokiyokigiyami mi wi iya Adi Komii siya nimbini digworaekwo whiekakim krimiir hauuwam, wi saiirar nadigiuwi. ¹⁹ Krima ina ninokninkinim, mhoiya krimiirin wi Krais siya nanmaiwarekainaei. Mi ti digworaekwo hiriinanim, krimiirin wi sima kinsis haiginiuwu, sibgu okworinuwamin, paeyin uridgi nitkiniyin mi ha sibgu okwowyin, siir hiriinan. Mi ti digworaekwowim, ti krima wakaeyokna apim, wi bopwoniya sima ninikiwitkii, yuisa Adi Komii siir maeyaua saiir nwowa. Mi Adi Komii siya mi krima, krima wi kwoin whiruwar nwowiski. ²⁰ Ta Adi Komii siir maeyaua huyokiyokaiya dimin whirki kimbu karamae nwowa biyin Jisis siya napninopkainamin mi krimiir igsopa siyar yokwokairina. Mi krimiirin siya whinkinsis

haigini. Mi siya ini prismi biyan inkam ywowin inokinokin. Ti prismi biyan inkamin Melkisedek nikiuwiyin siir hiriinan. Iriig.

7

Melkisedek siya prismi biyan inkamkin.

¹ Jisis siya Melkisedek siir hiriinan prismi biyan inkamkin. Melkisedekin yio om Selem hiran iikamim simiir kigirkakikin. Mi siya Adi Komii siir prismi biyan inkam warargin. Mi biyarin Ebrahim siir isidin iki inkam komii komii nhirim om nhirim sau simaka ninitim simiirin yamdi kwiruwa sima hainurur haiginiugig. Mi iya sima sau ha ninit dignaniyim. Mi Melkisedek siya simiirin siyu hir yapyiskaiwin. Mi siya simiirin ina yokboinmamair haiginiugiyim. ² Mi digworaekwo miyik miyik whiekakim, Ebrahim siya hainaniyim ti omim simiir hirankin, siya simiirin whieyim, iuura siotkin. Mi siya whie iuur aka, ya kimidiniya Melkisedek siir hauu. Mi nokiinwokiyim yim ini siyar haiyim. Mi Melkisedek siir inigin siir inig mwoki, inig mwowin yio minkin, inkamin dimin kibi kibi tiriyin siya. Mi siir inig mwoki inig mwo whirin yio minkin, inkamin iikam iripa nongwomamair aekin. Dimusi rani, om Selem hiran iikamim, simiirin ini siya kigirkakim. ³ Mi biyarin inkam nwirki bi winkin siir yopii ado mi siir yidiwi wanwiyaeyim mi siir isidin simiir inigim yokwoni. Ningaka. Krima ninokninkin tani, siirin wig inkamkar namisi aokainakin, iyie? Krima ninokninkin tani, siya bidi pi piyamisi aonamin iyie? Mi krimiir kwoinin ha naingwowi, siya Adi

Komii siir yinisimkin. Dimusi rani, siya ini omwaiyar waiyayokiyokiyin. Mi siya wi prismi biyan inkam nwowi inokinokin.

⁴ Kima bidiyar yinokninkinim siya inkam komii ieyairgin. Mi Ebrahim siya inig komiigak siirar mi owaiginu. Mi ti digworaekwo whiekakin sau aka siya ninit hainakiyim iki om nhirim simiir inkam komii komiiyim om kigriraowiyim simiir hiranki, siya simiirin iuura siotkin mi siya whie kwira kimidiniya siir hauu. ⁵ Mi kam nhirim Livai siir isidin siirin sima ini prismi miya sair haiyim. Mi Adi Komii siir siyu komiiyin hinina boinkin, dimin taeminim Isrel simiir iikamin sima haiyim sima ii nhirim simiirin iuura timi siotkin mi iur akan yio Livai siir isidin siir hauugi. Mi Isrel simiir iikamin yim Ebrahim siirgisir isid ieyairgin. Mi ti pris inkamin sima pi simiir pugana sair iikami digworaekwo imiirar swoki kwahai. Mi ti hiriinan siyuin yio ini ywowin. ⁶ Mi Melkisedekin yio Livaini isidin siir tani mi dimusika siya Ebrahim siir dimin iir haiyin, ha? Siya Livai siir isidin siir inkam tani mi siya diminin iur akan Ebrahim siirarin siyar siotkinim simiirgisimiirar haigin. Mi siya siirin ina yokboinmamaigiyin. Siya hinina boinkikin, Adi Komii siya ini kinakar nwowin. Kima bidiya yinokninkinim Ebrahim siya inkam komii ieyairgin. Biya Adi Komii siya Ebrahim siir nimbingiyin mi siya wi simiirar tiri. ⁷ Kima ina ninokninkinim, inkamin, inkam nwirniyin hinina boini, Adi Komii siya ini kinakar nwowin mi ti inkamin ta yai kibi hiriinana sair boinin, yio ini inkamin hindara wakaeyin

ini siir kou ywowin. Whisarii rani, yio Adi Komii siir igsopa saiir nokwokairiinakin, siir nokboinmamairam. ⁸ Mi pris inkamim yipiki Isrelmi dimin taeminim sim dimin iuur akaim sim haiiyim, yim wi wai biyeyar mi owi mi wa mi aowi. Mi yio Melkisedekin yipikin Ebrahimni dimin iuur akain si haiyin, Yokwo Komii saeya ha boinka, siya wi nao rani. Ningaka. ⁹ Hiriinan mi boinin ti inkamin Livai nikiuwiyin, siya dimin iuur akain Melkisedek siir mi hauugiyin. Iya brougae Ebrahim siya ti dimin haimii iuur akain Melkisedek siir hauuwun, yio ini siir apuin Livai siya hauuni hanin ywowin Melkisedek siirin. ¹⁰ Mi iya Ebrahim siya Melkisedek siirin siyiu hir napyiskaiyin, Livaiyin yio bi niki aokainakin mi krma hinin dimusi boinkim, ti diminim Livai siya hauugikin Melkisedek siirin, ha? Ebrahim siya Livai siir brougaekin mi iya Ebrahim siya digworaekwowim Melkisedek siir hauuwim, yio ini Livai siyar hauuni hanin ywowin. Mi Melkisedekin yio ini Livai siir kou ywowin.

¹¹ Bidi bidiniya Adi Komii siya siir siyiu komiini yayim, Moses siir hauugikin. Mi Moses siya Isrel simiir iikam imiir hauu. Mi ta yaiya hinina boinka, ti kamim Livai siir isidanin sima prismi miya wi saiirar mirii mi nae minim wi warar ninkinimiyaei, Adi Komii siirin. Mi Adi Komii siir omaka saiir warar timi kigrirao. Mi ti dimin biye krimiirim simiirin ti kam ima haiyoprimdiyumiigikiswo mi mhoiia Adi Komii siya Krai siirin wi di swoki imbingi krimiir prismi biyan inkam nwowamin. Ningaka. ¹² Mi Adi Komii siya nikropkiyin prismi biyan inkamin yio

ini saa ywowin. Mi ini prismi biyan inkamim simiir kisina okwowam. Mi ti siyu komiini yayim biya Adi Komii siya hauugiyim Moses siir yim ina digiyim mi iriipi hiriinan Adi Komii siya siyu komiini yayim yaeya yaiwin swoki hauugi, ti biyan siyu komiiyin siir maeyau aiir swoki kisina okiyam. ¹³ Ti yayim ti inkam iir boinim, siya Livai siir piuganan inkam tani. Ningaka. Siir yidiwi wanwiyaeyim yapa piuganankim. Mi siir yidiwi wanwiyaeyim simiir piugana biya simiir nwirkin ta prismi miya nae ninkin imiiyaeyi sair bi swoki miriimiminkim ta miya ya simiir mi rani. Ningaka. ¹⁴ Krima bidi yinokninkinim, krimiir Biyan Inkam Komiiyin siya Judami piugana saeya naokainakin. Moses siya ti isidin prismi miya sae miriyyim, simiirin yaimir sim kwir bi swoki boinmiminkin. Ningaka. Iriig.

Jisis siya prismi miya wi hiriinana nwoyokiyokiiyami Melkisedek siir hiriinan.

¹⁵ Mi krima tariinanin bidi yinokninkinim mi iya ti prismi biyan inkam nwirin siya nimbiamin siya Livai siir piugana sair inkam tani, siya Melkisedekin prismi biyan inkamin mi miriyyin siir hiriinankin. ¹⁶ Mi iya Adi Komii siya nimbinkiiyin siirin prismi biyan inkam nwowam mi siya ti siyu komiini yayim Moses siya win boinkiiyin prismi miya wi Livai siir piugana sasar nwowi siya hiriinan bi naingwokin. Ningaka. Mi ta siir kirieya omwai waiyayokiyokiiya iinokinok, siirin saeya minkikin prismi biyan inkam nimbiamam. ¹⁷ Adi Komii siir yayi Ya Yokwo Komii sair wina mi saeya hinina boinka,

kira iinokiinokin wi biyan inkamar nwoyokiyokii Melkisedek siir hiriinan. ¹⁸ Adi Komii siya bidi yinakiyim biyan prismi kamim simiir siyu komiini yayim. Dimusi rani, ti yayim yim wi dig nwo rani, krimiir whinkinsiis haiginiuwim omwai Adi Komii saikar waiyayokiyokiyim iinokiinokin. Nningaka. Mi Adi Komii siya ti biyan siyuim simiirin asi digikim. ¹⁹ Whisarii rani, ti siyu komiini yayim Moses siya winim Yokwo Komiini, krimiirin wi dimin whirki kimbu karamae sima nwo rani. Nningaka. Mi Adi Komii siya yaeya siyu win whirin siir diriraerarki krimiirin. Mi tariinan siya yai win kibiya Kraiis siir boinkin krimiir, ini yayim biya Moses siya winim Yokwo Komiini ini simiir haiburim. Mi krima ta yaiwin kibiya saiir wakaeyokna api mi ha naingwo tibmii mi saeya wa whindiraerari krimiirin Adi Komii siir kingiin nwowam.

²⁰ Adi Komii siya Jisis siirar nimbingin pris inkam komii nwowamin, siya siirin whisarii bi nimbingin. Nningaka. Siya ti yayim siir inig iirar bidi yikopwaisisirin. Iya siya siir nimbingiya mi biyan pris inkamim sima siir hiriinan tani. Mi Adi Komii siya inkam nwirniyin biya siir inig iirarin hiriinan bi nikopwaisisirkin pris inkam nwowamin. Nningaka. ²¹ Mi iya Adi Komii siya Jisis siirin pris inkam komii nwowam nimbinin siya siir inigin Adi Komii siirar bidi yikopwaisisirin kiriiramim mi kira pris inkam komiia nwoyokiyokii iinokiinokin. Mi kariir kwoinin wi swoki kisina haigi rani. Nningaka.

Kara, Adi Komiigin kara kariir inig iirar bidi yikopaisisirin kiriiramim, kira wi pris

inkama nwoyokiyokiii inokinokin.
Mi kariir kwoinin wi kisina haigi rani.
Ningaka.

²² Krīma bīdi yinokninkinim ta yaiya Adi Komii siya nikopaisisirkiyin siir inig iirar Jisis siiram. Saeya yai kirie komiigikomiiga. Mi ta yaiya siya kitibmii boina ya ini yayim biya Adi Komii siya Moses siir hauuwim mi Isrel simiir iikamim simiir mi hauuwim ini simiir haibura.

²³ Mi dimin whirin yio hiningin, biya pris inkam kasa rani. Dimusi rani, sima pa mi aokaowi mi simiir igsopa pi inkam nwirkar mi okwokairinanaowidi. Mi ti hiriinan siyiuin ii kasa bi tirkin. Simiir inkam nwirki omwai hiriyyar bi waiyayokiyokigin. Ningaka. ²⁴ Jisis sasaargin omwai waiyayokiyokiii mi wi ta hiriinan sairsi nwowi siya pris inkam nwowamin. Mi siir igsopa wi inkam nwirki swoki okwokairiina rani. Dimusi rani, siya bi naowikin. ²⁵ Dimusi rani, ta sairsika, Jisis siya wi digar nwowi iikamim yipikim siiram naingwo tibmii kinim simiir nanmaiwarkainaei. Dimusi rani, krīma Kraiis siir yai aiir wakaeyokna apkim. Krīmiirin wi siyar whinkinsiis haiginiuwu. Dimusi rani, siya wi nao rani. Siya ini omwaiyar waiyayokiyokiiyin. Mi siya ini Adi Komii krīmiir Wanin saikar nwowin mi siya nhwo ini krīmiiramar kwis boinin.

²⁶ Jisis siyaargin prismi biyan inkamin mi siya inkam wadiekin siirin dimin whirki bi kimbugin. Siya iikam krīmiirin dimin biyieki naokingugunankaiyim krīmiirin nu tirar kwaeyopriigingig. Mi siya Adi Komii saika ini owou. Mi siirin Adi Komii siya ywowaiginiu

inig komiigak. ²⁷ Mi iki prismi biyan inkamim biyanim simiir hiriinan tani. Nningaka. Dimin taeminim sima ninkin imiiaeyim, Adi Komii siir, simiir dimin biyeyim sima bi haiyoprindiyumiigikim. Nningaka. Mi inokininokin, biyin sima pi simiir dimin biye imiirsiyar niki inkin imiiaei. Mi mhoiya sima Adi Komii siiramim pi iikam nhirmi naeyim sim ninkin imiiaei. Mi Jisis siya ti kamim simiir hiriinan tani. Nningaka. Siya ta saiirin i kwiruwar tirkikin, iya siyar naowa paeyin hiniya nironinkinin si mi naeni haninin siya siir piu ailar ninkin imiiaekin, Adi Komii siirin. Siya siir piu aiirin naeni hanin minsi ninkin imiiaekin, iikamim simiir dimin bibiyeyim simiir haiyoprindiyumiigiyam. Mi siya saiir bi swoki tirkin, idipidipin. Nningaka. I gwiruha siyar bidi tirki iskiya. ²⁸ Mi yaiya biya Adi Komii siya hauwa Mosesni, prismi biyan inkam komiiyim saeya nokmwini okwo haiginiuga. Mi ti kamim yim inkam paii rani, Adi Komii siya ha boinkin, simiir kwoinim dimin biyek bi yaokingugunankaiyim. Mi ta yai kirieya Adi Komii siya boinkiya mhoiya, ya siir yinisim iir nimbingiya saiir nikopwaisisirkika. Jisis siya iki prismi inkam komii nhirim simiir hiriinan tani, siyu biye bi tirikin. Nningaka. Siya prismi biyan inkam komiigin omwai hiriayar waiya yokiyokikaeyamikin. Iriig.

8

Jisis siya Adi Komii siir omaka ninomor kou hirana saiir pris inkamkin.

¹ Mi ti digworaekwowa kara kimiir boinkiyim yim hiniingim, krimiir biyan prisin, siya ini kara boina ini saiir hiriinanar nwokripkaiyin. Siya Adi Komii saikar nwowin, siir omin ninomor kou hir nwowin siir. Mi tariinanin siya ini Adi Komii siir ina iniig miya nidwowa, maeyauwa kamim inig komiigakim digworaekwo whiekakim sim kigirkakiyim sima nidwowiya saiir. ² Siya ini ninomor kou hir nidwowa mi siya ini prismi inkamnan miriyyin. Siya ti hiriinan diminin ini omaka Adi Komii siyar nonkwo miriyya ninomor kou hir ini saiir hir miriyyin. Ya tariigina ya saeya maeyaugimaeyaua Adi Komii siir inig iir hainaniya saiirin inkamki bi nonkwo miriiga. Ningaka.

³ Mi bidi bidiniyarin, siyu komii siir siyuin Adi Komii siya hauuim Mosesni, iikamim sima sibgu apam siyuin prismi biyan inkam nokmwon okwo haiginiuwiiyin, dimin taemin Adi Komii siir ninkin imiyyaeyam mi hiriinanar mi tir. Mi krimiir prismi biyan inkamin yio ti hiriinan siyu iirar mi tir, dimin taeminim Adi Komii siir ninkin imiyyaeyam.

⁴ Mi Jisis siya nu tir nwokiswo, siya wi prismi biyan inkam di ywowi. Dimusi rani, nu tirin iriipi hiriinan pris inkamkakaargin dimin taemin ninkin imiyyaeyamin Adi Komii siir, siyu komii siya boinkiya saiir hiriinan. Mi sima Jisis siiram paninsi kiwakisi. ⁵ Mi miyyim pris inkam ima miriyyim, omaka Adi Komii siir inig iir hainaniya saiir, ya aknainan hindara nusiimauuga dimin taeminim ninomor kou hiranim Adi Komii siirim simiir. Mi biya iya kingiin nwowa, Moses siya Adi Komii siir omaka hindara ini kaigrinu okwosasae

mirii. Mi Adi Komii siya siirin hinina boinki, kira dimin taeminim kara boinmimauuim simiirin sibgu tir. Kara nsiimauuwa, iya kira mhuu hir nwowa saiir hiriinan. ⁶ Mi taka ii aiirarin, Krais siya ini prismi biyan inkam komiinan miriyyin mi ini iki miyim biya prismi biyan inkam komiyyim sim miriyyim ini simiir haiburim. Mi ti hiriinan siyyuin, ta kitibmii boin wina Adi Komii krimiir Wanin siya nimbongiya Krais siir krma wakaeyokna apam ya ini biya siya nimbongiya brougae wanwiyaekim sim wakaeyokna apam, ini saiir haibura ya tariigina ya ini ywowa. Dimusi rani, ta kitibmii boin wina krimiirin wi saeyar whinkinsiis haiginiiskii. Biyan nimbina krimiir brougae wanwiyaeyim simiir ya krimiir bi sibgu whinkinsiis haiginiuga. Ningaka.

⁷ Mi biyan nimbina saeya iikam imiirin Adi Komii siir whwonkam ida dimin whirki kimbu karam nwokiswo mi Adi Komii siya wi yaeya kitibmii boin win di swoki imbini. Ningaka. ⁸ Adi Komii siya bidi yinokninkinin siyyuin iikam ima tiranin. Mi siya hinina boinki,

Mhoiyya kara kariir iikamim Isrel hiranim Judami piugana saiirim wi yaeya kitibmii boin win swoki imbingii.

⁹ Mi kariir kitibmii boin wina ya wi biyan kitibmii boina kimiir brougae imiir iya kara simiirsi naingwoyimyoka, iya sima nu Isib hir nwowa mi simiirin ha kiyainaniyyin saiir hiriinan tani. Ningaka. Kara kimiirin wi biya kara kitibmii boina wi saiir hiriinan swoki kitibmii boin tani. Ningaka. Dimusi rani, kimiir brougaeeyim sima bi

sibgu apkim. Mi kara kimiir brougaeyim
simiirin ti hiriinan siyiun digiumii siirsi
haimriiyugin.

10 Mhoiia iya ta biyan kitibmii boina saeya
kigirkakim digworaekwo whiekakim sima
digana, saeya digii mi kara Biyan Inkam
Komiiyin Isrel kimiir iikamim wi yaeya
siyu boinki, kima napamin. Mi tariigina
kara wi kimiir kwoinki kwoin iirar kinirkai
haiginiugii. Mi kima wi wakaeyoknam
nwoki aingwowim. Mi an kara wi kimiir Adi
Komii nwoki owim mi wim kima wi kariir
iikam nwoki owim.

11 Mi mhoiia ta ii aiirin iikam whiekakim sima
kariirin wa ninokninkini. Yipiki inigakim
mi yipiki inig karamaeyim sima kariirin wa
ninokninkini. Mi ta ii aiirin iikamim sima
wi simiir nu whiruwani iikamim simiirin wi
hiniina boin tani, Kima Biyan Inkam Komii
siir dinokninkin. Ningaka.

12 Mi kara wi simiirsi naingwo bumbuwu mi
simiir dimin biyeyim sima tirim wi kara
haiyoprimdiyumiigi. Mi kara simiir dimin
biyeyim wi simiir swoki aingwo rani.
Ningaka.

13 Mi biyan nimbina biya Adi Komii siya Moses
siir nimbingiya ya ini biye ywokiya. Whisarii
rani, siya krimiir ha boinkin, siya wi yaeya
kitibmii boin win swoki imbingi. Kima bidi
yinokninkinim ta biyan nimbina ya wi sapi
namki, yuis kaba inkamkin kabitkaigiya saiir
hiriinan. Iriig.

9

B̄iya prismi b̄iyan inkam komiiyim wraisu nhie arar n̄ink̄in imiyyaek̄im Adi Komii siir̄in.

¹ Mi b̄iyyar̄in Adi Komii kr̄imiir Wan̄in siya siir b̄igib̄iyan n̄imbina kr̄imiir brougae wanwiyaeyim Isrel simiir iikamim simiir n̄imbingikin. Mi siya simiir̄in siȳiu Adi Komii siir in̄ig iir hainaniyim siir boinmauu wakaek̄in. Mi siya kam imiir̄in siȳiun omaka Adi Komii siir yaim̄in dim̄in nidwokai wakaeya saiir miriini siȳiun siir warar mi boinm̄imauu ir̄ipa sima nidwo wakaeyam. ² Mi sima sel omaka ira mirii mi ta omaka saiir̄in bopwoniya h̄ugripk̄igi haimii haimiyo whisa ywo. Mi ti haimiyyin h̄uyokiyokaikikaiyin anokar nwowin̄in, yio ha dapikin, dim̄in whirki kimbu karamae. Mi dim̄inim pae hainḡimuhaiginiyim mi bretim Adi Komii siir n̄ink̄in imiyyaeyim yim ini ta maeyaua h̄uyokiyokaiya ini saiirar nwokaiyim. ³ Mi sima yiuis kwira maeyau kwira h̄uyokiyokaiya haimii whira nwowin siir ano iir yit̄imwan̄iu. Mi ta maeyaua ya Adi Komii siirgisiirga, siya nwowika. Mi ta maeyaua h̄uyokiyokaiya saiir̄in inkam nwirki bi swoki am̄iminika. N̄ingakin̄ingaka. Mi sima ta maeyaua saiir̄in ha dapikim, dim̄in whirki bi kimbu m̄iminka. ⁴ Mi dim̄in nhirim ini ta maeyaua h̄uyokiyokaiya saiir hir nwokaiyim. H̄iia golni tira aka mi ta h̄iia saiir idwo hir̄in haua wain piuii m̄iyyikakin siir op aiir naokin hainḡimugiiya, piuii m̄iyyik n̄usiin whakim ini hir nwokaiyim. Mi m̄iia kwira paeni sima n̄irim̄tionink̄in miriia saiir idwowin sima golni

miriigikim mi ya ini hir warar mi inkin okaiya. Mi ta miya sima sairin ha dapikim, nimbini tibmiini miyaka. Mi ta miya sair yainau hirin mobmir kwira golni sima nonkwokwowa ini hir warar ninkin okaiya. Mi ta mobmira sair yainau hirin, naeyim Adi Komii siya hauuwim iya sima nu siyin apain siir hir nwowa ini hir nwokaiyim. Mi paekopin biya Eronki si hogwokwo apin, siirin Adi Komii siya tirkikin, yio ini nhwokakar mi okaiyin ta miya aiirin. Mi siya nhiswo Adi Komii siya winkiyo kitibmii boin yaeyim sim yo ini hirar mi inkin okaiyo. ⁵ Mi ta miya sair idwowin sima Adi Komii siir paekwosimwo nwisawonkwokwo haigin hinda nsiimauuwam. Mi sima ti paekwosimo sowiir kigo mi sima boin, Adi Komii siir dinin miyik miyikim paenan niyaeiyim ini tir nwowim. Mi ti paekwosim nwiswo hinda nsiimauugo sowa pidgakako. Mi ta maeyaua ikami dinin biye haiyoprindiyumiiya ini sowiir pidga owar yirugiya mi ti dininim simiir dinin mwokimwowin, kara pi kimiir boinmauu rani. Ningaka.

⁶ Mi mhoiia sima digworaekwowim diriraerar digim mi pris inkamim, sima ta maeyaua hiyokiyokaiya anoka kingiin nwowa sairin bi siiskim dinin taeminim Adi Komii siir ninkin imiiaeyim. ⁷ Mi biewi biewiyim, prismi biyan inkamin siya ta maeyauwa hiyokiyokaiya dinin whirki kimbu karam nwowa sairin i kwiruwar namikin. Siya whisarii bi namikin, siya meme bulmakau ini nhieyim, pi simiir hainami Adi Komii siir ninkin imiiaeyam ikamim hinda

whaowaeya prīdirāerarīm simiir dimin biyie imiir haiyoprindiyūmiigiyam. ⁸ Mi Moses siir yaiyim iikam krīmiirin ta maeyauwa Adi Komii siya nwowiya, saiir kigninkin apninopkaiyam bi boinkin. Mi ti hiriinan siyiin, Adi Komii siir naeyiin yio krīmiir nīsiimauugin, iikamim Moses siir yai aiir wakaeyoknaim sima wi Adi Komii siiram swoki haiyiug naingwo rani, iripa saikar nongwomamair aeyam. Nīngaka. ⁹ Mi ta Moses siir yaiya ha boina iikamim, Adi Komii siirgisiir maeyauwa hiuyokiyokaiya dimin whirmīnwhirmīnki kimbū karam nwowa saiir kipi napninopkainam. Ya aknaini hanin hindara nīsiimauuga krīmiir. Mi ta iya pris inkam ima ninkin imiīyaeya, Adi Komii siir ya iikamim simiir kwonim rirmīya simiir bi nwowaiginiuga. Nīngaka. ¹⁰ Mi yim ti yaiyim yim krīmiir kinsiis haiginiuwankim, naeyim yim naeyankim mi opa ya kwiyaeyanka mi siyiin op whaui ikin mi krīma ti siyiu imiir sibgu api mi Adi Komii siya wi ha boini, krīmiir piim, yim piu wadiekim, siyiu komii siya boinkiya saiir hiriinan. Mi ti digworaekwowim simiir yaiyim yim krīmiir kigriraowankim. Tariinanar tir bwakainakiyin mi wi iya Adi Komii siya digworaekwo whiekakim simiir kigirkakana wadiekwadie nwowi, wi saiirar nadigiuwi.

¹¹ Mi Krais siya krīmiiramīn prismi inkam komiinan nitkin siir dimin taemin miyik miyikim simiirin krīmiir hauuwam. Mi tariigina ya krīmiir bīdi yimbiniya mi siya prismi miya bīdi mīriigikin. Mi siya ini Adi Komii siir oma hiriir yapninopkainamin. Ya ini sel omaka

biyan kamim sima tira ini saiir haibura. Mi ti Adi Komii siir om winin siirin inkamki bi tirkin, yio nuan diminki waeyao. Yio Adi Komii siirgisiir omin ninomor hiranin siirgin. ¹² Mi iiya Krais siya naonama siya ini Adi Komii siirgisiir maeyaua dimin whirmin whirminkin kimbu karamae nwowa Adi Komii siyar nwowiya ini saiirar yapninopkainamin. Mi siya wraisu nhie bi hainamkin prismi hinin, siir ninkin imiiaeyam. Ningaka. Siya siir nhieya nua naokiinainama saiirar haininopkainamkin ta maeyaua Adi Komii siyar nwowiya dimin whirki kimbu karam nwowiya saiir hiriirin. Mi Adi Komii siirin saiirar ini hauuwu mi siya kwiruwar napninopkainamin, siir nhie aiir ninkin imiiaeyam, ini saeyar digi iskiya. Mi siya wi mhoyia idip idip swoki tir tani. Ningaka. Siya ti siyu hiriinanin minam tirkin krimiir whinkinsiis haiginuwim mi krimiir nanmaiwarekainam. Mi krma wi omwai saikar nwoki waiyayokiyokaeyamim inokinokin. ¹³ Mi meme bulmakau ini nhieyim krimiirin wi panina whinkinsiisi, ha? Saeya krimiirin wi ti hinina whinkinsiisi. Mi ikam nhirim diminim Adi Komii siya boinim, hinin kipi naingwo, sima simiir nonkwowi mi Adi Komii siya simiirin wi ha boini, simiir pua miyik rani. Dimusi rani, sima ti diminin Adi Komii siya boinin, hinin kipi nonkwo, siir bidi yonkwowim. Mi siir pua biye pi hiriyyar nwowinaka mipi pris siyar hainiyop nami meme bulmakau ini nhieyim pi whrin min aka ninkin hainiyopnami. Mi mhoyia Adi Komii siir yaiya pa swoki boinkii, sima ini wadiyar swoki

okiyim, ti diminim simiir piua wadie sima bidi ywohaiginiugiyim. Mi meme, bulmakauni nhieya ya idan piua wadie saiirarar nwows aiginiuwu. Mi Krais siya, Biyan Inkam Komiiyin, yio ini meme bulmakau sowiir haiburin. ¹⁴ Mi siir nhieya ini meme, bulmakaumi nhieya mi simiir whrin ima, ini simiir haibura. Mi mi bibiyeyim naekak nwokaram nwowiyim mi dimin bibiyeyim iikami kwoinawu nwokaiiyim simiirin saeya bidi haiyoprimdiyumiigiyim. Mi Adi Komii siir naeyiun siirin siyar whindiriraerarkin, yipikin dimin biye whir kamaeyin, siir nhieya saiir ninkin imiiaekin Adi Komii siirin. Mi siir nhieya iikam krimiir whinkinsiis haiginiuwim mi krimiir dimin biyeyim simiir haiyoprimdiyumiigiyim wi digar nwowi. Mi krma Adi Komii siir yai aiir wakaeyokna apim wi digar nwowi, yipikin omwai waiyayokiyokiiyin inokinok. Dimusi rani, siyu whir kamaeka hiriinan tirim.

¹⁵ Jisis siyairgin iikamim nuanim mi Adi Komii siya, krimiirar kaoprige irkakiyin ta kitbmii boin wina krimiiram nita iikamim wakaeyokna apim saiir kirie haiginiuwam. Mi nim krma iikamim Adi Komii siya nimbiniim siir iikam nwowam, krma wi omwaiya waiyayokiyokiii, saikar inokinokin. Mi wi dimin kibi kibiyim biya Adi Komii siya nimbiniim wi simiir haii. Dimusi rani, siya Jisis bidi yaowin. Jisis siyairgin iikam krma mi Adi Komii siya krimiirar kaoprige irkakiyin ta kitbmii boin wina saiir kirie haiginiuwam. Ya mhoiya nitka iikamim sima wakaeyokna apam. Siya iikamim simiirsi naokin simiir dimin biyeyim sima tirim simiir

haiyoprimdiyiümüigiyam iya sima biyan kitibmii boin aiir napim. Mi sima wi saika nwoyokiyokiikaeyami, inokiiinokin.

¹⁶ Mi iya inkamin omwaiyar niki waiyaeiyn, siya yinisimim simiir inigim pa wini yokwoni mi dimin taeminim sima mi haiyanim yim iriipi hiriinan pa mi wini. Mi siir mhoiya iya siya naonama siir yinim pi yokwo aiira kigmak hid haii. Sima pi hindara prihai prihai rani. Ningaka. ¹⁷ Mi inkamin omwaiyar niki waiyaeiyn mi ta yokwowa siya wina, siir dimin taemin imiir, ya ini hiriyyar niki owa. Mi mhoiya iya siya naonami, siya pi haini winmimauugigi digworaekwowim siir yin ima haiyanim. ¹⁸ Adi Komii siya biyan kitibmii boina saiirin wraisum sima nisomsom aowim mi simiir nhieyim ha naokiinainamim simiirsi kirie haiginiugin. Mi nhieyim iikam imiirin wi simar nwowaiginiuwi dimin taeminim Adi Komii siya nimbinim simiir haiyamin. ¹⁹ Mi Adi Komii siya siyu komiiyin Moses siir hauuwun mi Mosesin yio kimidiniya Isrel simiir iikam imiir hauu. Mi ta iya siya bulmakau haomin siir nhieya opaka yinkin aokaigi twonau. Mi siya paeyakwiyam ha mi hai mi sibsibni pio pariidnanim, ha mi haiyin mi siya ti sibsibni piowim ti paeyakwiyam simakar yin udgi. Mi siya kimidiniyan haunairin op nhieki nwomaiyin siir hopmaigi. Mi kimidiniya Yokwo Komiiya Adi siir yaigi nwowa Moses siir hauugiya saiir iyairpasoknam. Mi siya iikamim simiir piuim simiir warar yinkin iyairpasoknam. ²⁰ Mi iya Moses siya yokwo aeya mi iikam ima simiirin ha niyairpasoknamin mi siya simiirin

hina boinki, ti wraisuimi simiir nhieyim ti kara niyairpasoknamim, yim ta biyan kitibmii boina saiir kirie haiginiuga, kima Adi Komii siir yai imiir wakaeyokna apim. Mi kima wi yayim Adi Komii siya boinkiyim biya, kima wakaeyokna apam wi simiir wakaeyokna ap. ²¹ Mi Moses siya Adi Komii siir sel omaka saiirin iriipi hiriinanar mi iyairpasoknam. Mi digworaekwo whiekakim saiir hir nwokaiyim, iikamim sima iripa haingiriyu idwokaiyuwiyim, iya sima Adi Komii siir inig iir hainaniyim mi ha diriraerariyim, simiirin warar mi inkin iyairpasoknam. ²² Mi ta yaiya Moses siya winkiya Yokwo Komii saiir, saeya hina boinkika, mi kira ti digworaekwowim simiirin hiriinan niyairpasoknami wraisu nhieni, sima wi dimin whirki kimbu rani. Ningaka. Mi kira nhie simiir niyairpasoknam karam nwowi, saeya boina saiir hiriinan Adi Komii siya wi simiir dimin biyeyim wi haiyoprindiyumiigi rani. Ningaka. Iriig.

Krais siya naeni hanin siir piu ailarar ninkin imiiaekin Adi Komii siirin, krimiir dimin biyeyim simiir haiyoprindiyumiigiyam.

²³ Mi ti miyim mi ti nuan digworaekwowim krma tiriyim yim hindarar nisiimauugim iki dimin kikingininim ninomor kou hir nwowim simiir. Moses siya digworaekwo imiirin wraisu nhieni minam niyairpasoknamkim, sima whauriyina nwowam. Mi ta nhie hiriinana iki dimin miyik miyikim Adi Komii siir om hir nwowim simiirin wi whauriyanan saeya nwowaiginiu rani. Ningaka. Jisis siir

nhieya sasairga whauriyinan iikam imiir
 nwowhaiginiuwu. Mi ta hiriinan saiirsika sama
 wi Adi Komii siir om iir asi nami. ²⁴ Mi Krais
 siya Adi Komii siir maeyaua hiuyokiyokaiya,
 dimin whirki kimbu karamae nwowa omaka
 inkamkar nonkwo miriia nu tirana, saiir omaka
 yainau nwokaiyin siir bi napninopkainamkin.
 Ningaka. Siya Adi Komii siirgisir om iirar
 namigusamkin. Mi siya ini Adi Komii siir
 whwonkam ida nidwown, siir ina inig miya
 mi siya ini nhwo krimiiramar kwis boinin. ²⁵ Mi
 biewi biewiyim prismi bigibiyan iikamim sama
 Adi Komii siir maeyaua hiuyokiyokaiya dimin
 whirminwhirminki kimbu karam nwowa saiirin ii
 kwokwirar napninopkainamikin wraisu nhie Adi
 Komii siir ninkin imiiaeyamin. Mi yio Krais siya
 ta maeyau aiirin idip idip bi napninopkainamkin
 siir nhie aiir ninkin imiiaeyamin Adi Komii
 siirin iikamim simiir dimin biyeyim simiir
 haiyoprimdiyumiigiyamin. Ningaka. Siya
 kwirkikwiruwar namkin siir nhie aiir ninkin
 imiiaeyamin Adi Komii siirin. ²⁶ Mi Jisis
 siya hiriinan tirkiswo mi siya paeyin hiiniya
 nirioninkin siirin wi ii kasakasa di naowi. Iya
 Adi Komii siya nu siirar nonkwokwokiya mi ha
 nityokiyokigiswo mi wi tariinanar pi yadigniyin.
 Mi Krais siya nu tiriir natin, siya ii kwirkikwiruwar
 nauuni aonikin nu tirin ini sasair ywowiskiya.
 Mi iya dig kingiin nwowa, Jisis siya ha natin
 mi siya paeyin hiiniya nirioninkin siirin ii
 kwirkikwiruwar nauuni aoniyin mi siir nhieya ha
 naokiinainiya mi siya saiirar yinkin imiiae Adi
 Komii siirin, iikamim simiir nanmaiwarkainam

simiir dimin biyie imiirsi mi sima Adi Komii siir whwonkam idain wi dimin whirki kimbu karam nwoki owim. ²⁷ Iikam whiekakim sima wa naowi mi mhoiia sima Adi Komii siir kigi, simiirin wi siyar hidi. ²⁸ Mi hiriinan siyiun Kraisiya ii kwiruwar nao isikikin Adi Komii siirin siyar swoki inkin imiiaenam. Siya siir nhieya iikamim simiir dimin biyie biyieyim simiir haiyoprimdiyiumiigiyam ninkin imiiaekin. Mi mhoiia siya swoki iti, siya wi iikamim simiir dimin biyieyim simiir haiyoprimdiyiumiigiyam nit rani. Nningaka. Siya iikam yipikim siiram wakaeyokna aingwo tibmiiyim mi iia siya nitana sairam nwokwokinim wi simiir nanmaiwarkainami sima siir om hiriir namam. Iriig.

10

Biiyan naeyim sima ninkin imiiaeya, ya dimin biyieyim simiir bi haiyoprimdiyiumiigikim.

¹ Mi siyi komiiyin biiya Adi Komii siya hauugiyin. Mosesni, yio diminkidiminim mhoiia nimbiyamanim krimiir, aknainan simiir nsiimaugun. Mi biewi biewiyim, pris inkamim sima hirihiiriinan naeyim simiir simiirar ninkin imiiaenanae; Adi Komii siirin iikamim simiir dimin biyie imiirsiyin. Mi siyi komiiyin Adi Komii siya hauugiyin Moses siir siya wi dig nwo rani, iikamim yipikim Adi Komii siiram nitim simiirin dimin whirki kimbu karam nwowim. Nningaka. ² Mi ti digworaekwowim Adi Komii siir sima ninkin imiiaeyim iikamim yipikim Adi Komii siir inig iir hainaniyim simiir dimin biyieyim

simiir kwoinau nwokaiyim simiir digikiswo mi
 sima wi yaeya nae di swoki inkin imiyyaei Adi
 Komii siirin simiir dimin biyieyim simiir kwoinau
 nwokaiyim simiir digiyamin. Nngaka. Dimusi
 rani, simiirin wi dimin biyekak diwowi. ³ Mi
 iya sima hirihiirinana ninkin imiyyaenanaeyim
 biewi biewiyim mi iikamim pa swoki aingwokii,
 dimin biyieyim sima tir imiiramin. ⁴ Sima ti
 hiriinan siyiun ii kasa kasa bi tirkim. Dimusi
 rani, Adi Komii siya bidi yinokninkinin bulmakau
 meme ini nhieyim, iikamim simiir dimin biyieyim
 wi saeya digi rani. Nngaka.

⁵ Mi iya Krai siya nitam naingwowa siya Adi
 Komii siirin hiniina boinki,
 Kira iki siyiun iikamim wraisu sima nisomsom
 inkin imiyyaeiirin kiriir siiramin kira
 maigimaiga nwo rani. Mi kariirin kira
 piugak hiriinansi nwowaiginiugin.

⁶ Mi kira wraisuim kiriir hai aiir haigin
 anagiyim mi dimin taeminim sima ninkin
 imiyyaeyim kiriir, simiir dimin biyieyim
 sima tirim simiir digiyam, kira simiiramin
 maigimaiga bi nwokim.

⁷ Kara Kraiskin, kara kimiirin pi hiniina boini,
 Adi Komii, kira kariir kigi, kara tisi tapi
 nwowin. Kara digworaekwo whiekakim
 kira naingwowim simiir tiram tiri, biya
 sima winboinkiya kariirin kiriir Yokwo
 Komii aiir saiir hiriinan.

⁸ Krai siya biya hiniina boinkin, kira ini
 yimiyyiuiun iki diminpa diminpaeyim, inkamki
 ninkin imiyyaeyim kiriir simiirin. Mi kira
 wraisuim kiriir hai aiir haigin anagim kiriir ninkin

imiiyaeyam iikamim simiir kwoinawu nwokaiyim
 dimin biyieyim simiir digiyam, yim ini mi
 imiiyuwim Krais siya ti simiirin hinina boinkikin.
 Mi yio siyu komiiyin Moses siya winkiyin Yokwo
 Komii siir ha boinkikin hiriyar tir. ⁹ Mi mhoiia
 siya ti yai imiir boinkiyin mi mhoiia siya Adi
 Komii siirin hinina boinki, Adi Komii kira kariir
 kigi, kara tisi tir nwowin. Kara digworaekwo
 whiekakim kira naingwowim kara tiram, kara
 simiirin wa tiri. Mi yim ti yai hiriinanam yim
 krimiir boinmauu wakaekim. Biyan siyuin nae
 iikamkim sim nankin imiiyaeyin Adi Komii siir,
 yio Krais siya bidi digiyin. Mi simiir igsopa ini
 siyar yokwokairinanaowidin. ¹⁰ Jisis Krais siya
 dimin taeminim Adi Komii siya naingwowim
 siya tiram siya simiir wakaeyokna tirkin. Mi siya
 kwirkikwiruwar naokin siir puua saiir nankin
 imiiyaeyam Adi Komii siirin. Mi siya iikamim siir
 siyu iir napim, simiir dimin biyieyim, wi simiir
 nwoki digiyim. Mi sima Adi Komii siir whwonkam
 idain wi dimin whirki kimbu karamae nwoki
 owim.

¹¹ Mi pris inkamim sima mi Adi Komii
 siir omaka aiir nokwo miriiyim mi nonkwo
 inkin imiiyaekim Adi Komii siirin, sima
 inokinokin hirii hiriyar tirikim. Mi ya
 tariigina iikam krima tirim dimin biyieyim
 simiir haiyoprimdiyumiigiyim wi dig nwo rani.
 Ningaka. ¹² Mi yio Kraisin yio siyar nankin
 imiiyaekin mi ta saiirin kwiruwar tirikikin.
 Mi iikamim simiir dimin biyieyim ini saeyar
 haiyoprimdiyumiigiyim. Mi ta ii kwiruwa siyar
 tirkiya, inokinokin wi saeyar nwoyokiyokii.

Mi ta saiir mhoiia siya ha nini idwoiugin Adi Komii siir ina iniig miyan. Dimusi rani, siya Adi Komii siir hiriinan inkam komiigin. Digworaekwo whiekakim, siyar kigirkakikin. ¹³ Mi siya ini Adi Komii saika hirar nidwo kaoraraowin iya siir sau omomin Adi Komii siya hainururninkin haiginiugii. ¹⁴ Krima bidi yinokninkinim, Jisis siya kwirkikwiruwar naokin siir piu aiirin Adi Komii siir ninkinimiyaeyamin. Mi siya iikamim yipikim Adi Komii siya haiyopriimdiyumiigiyim simiir dimin biyeyim, simiirin dimin whirki kimbu karamaeyin siya nwowaiginiugin. ¹⁵ Mi Adi Komii siir naeyiun krimiirin ti hiriinan dimin iirar mi boinkin. Mi baiya siya hiniina boinkin,

¹⁶ Baiyan Inkam Komii siya hiniina boinkin mi iki iiyim mhoiia nitim kariir kitibmii boina wi iikamim simiir hauuwi. Mi ti kariir siyiu komiiyin wi simiir kwoinkikwoin imiirar kinirkai haiginiuwi. Mi sima wi saiir saiira nwoki aingwokwonanaeyim.

¹⁷ Mi siya yai nhirim ina swoki boinkiyim, siya hiniina boinki mi kara dimin biyeyim simiir kwoinau nwokaiyim, wi simiir swoki aingwokwomimin tani mi siyiu biyeyin, sima tiri ikin. Ningakinngaka. ¹⁸ Krimiir dimin biyeyim Adi Komii krimiir Wanin siya bidi haiyopriimdiyumiigiyim. Mi iikamim Adi Komii siiramim wi swoki inkinimiyaemimin tani. Ningaka. Yio hiriinan siyiun yio bidi digiyin. Iriig.

Krima Adi Komii siiram daingwo tibmii kin mi saika damasukikin.

19 Mi ti kariir akamim, krīma Adi Komii siirgiisiir maeyaua siya nwowiya dimin whirmīn whirminki kimbu karam nwowa saiirin wa napninopkai nami. Dimusi rani, Jisis siya paeyin hiiniya niriininkinin siir naowin mi siir nhieya ha naokiinainiya mi krīmiir dimin biyie biyieyim ini saeyar yinakiyim. Mi ta hiriinana saiirsika iya krīma nhwo kwisboinkii mi krīma hiriirin wa napninopkainami. 20 Mi ta siya naonama, siya minam naonamkin krīma Adi Komii saika nwoki boinaiyim. Mi ya tariigina ya hinanga ta yuisni haniin bopwoniya siya niinikiwitkiya krīma napninopkainamim maeyaua Adi Komii siya nidwokaiiya dimin whirki kimbu karamae nwowa krīma namsi saiir nitimwaniuwa ya ini siir piu aeyar niyoknamnan ywowa. 21 Mi krīmiir biigibiyan, prisin, siya ini omwaiyar swoki waiyain. Mi siyairgin, digworaekwo whiekakim, Adi Komii siir om hir nwowim. Mi iikamim siiram naingwo tibmii kinim mi siir yinisim nwowim simiir kigirkakanin. 22 Jisis siya siir nhie aiirar niyairpasoknamkin iikamim krīmiir kwoinau nwokaiyim dimin biyieyim simiir haiyopriimdiyiumiigiyim mi krīmiir kwoinim rirmiiya nwokiyim. Mi siya krīmiirin op miyikimiyik aiirar baptais haiginugin. Mi ta hiriinana saiirsika krīmiir piuim whauriyina asi nwokim. Mi tariinanin krīma Adi Komii siir kingiinin wa nwoki amim. Dimusi rani, ti hiriinan diminim Jisis Krai siyar tirkin. Mi krīma kwoin biyieyim krīmiir kwoinau nwokaiyim niksisaeiyim simiirin wi asi niuguskii. Mi krīma Adi Komii siiramar dinmiininkin, ta krīma tira

saiir hiriinan. Mi krīma kwōin whirua saikar dwo. ²³ Krīma digworaekwōwim krīma naingwo tibmiiyim simiiramın sibgu wakaeyokna ap. Krīma simiirın digiimii kipi haimriiyu. Dimusi rani, krīma bīdi yinokninkinim digworaekwo whiekakim biya Adi Komii siya nimbiniim siya simiirın wa tiri. ²⁴ Krīma, krīmiir iikam nomiiyauwim naingwo tibmii kīnim simiiram daingwo. Mi krīma irni nwirni dinan whinkinsiis ankinsiisna. Mi krīma irni nwirniyamar timi aingwokwo. Mi irni nwirniyin siyu miyikimiyik iirar timi tir. ²⁵ Mi krīma siyūin iraka nwiraka haingiriyu owiyin Adi Komii siir inig iir hainam siir kipi haibur. Nīngaka. Iikam nhirim yim ti siyu hiriinanın siir bīdi haiburgigim. Mi nim krīma wī hiriinan kipi tir. Dimusi rani, iya Krai siya swoki itana ini kingiin nwowa mi krīma irni nwirni whinkinsiisamın miinan mīrii.

²⁶ Mi krīma ta Jis Krai siya naonama iikamim simiir dimin biyeyim simiir haiyoprimdiyūmiigiyam, krīma saiir yaimwokiayimwo aiirın bīdiyar iki wakaeyim. Mi krīma siyu biyie krīmiir kwōinkar swoki aingwo tiri mi Krai siirın digiimii ha haimriiyugigi mi yaeya inkam nwir karamaeka, siir nhieya saeya simiir niyairpasoknamim Adi Komii siir ninkin imiiaeyam, krīmiir dimin biyeyim simiir haiyoprimdiyūmiigiyam. Siyu whir karamaeka. Nīngakinīngaka. Sima wī hiriyyar nwowi. ²⁷ Mi krīma ta yaimwo aiirın hindara nīmiiyu iugusami mi mhoiia krīma wa nīdidi Adi Komii siya boinwokiyopnatkaigisiyin mi siya nītnoudnankaigiisiyin paeya. Mi krīmiirın wī

maeyauwa iikamkim, sim niurimtiokaigiya wi sair hiriir kabitnouwidnankaigii. Mi simiirin wi hiriir niurimtiokaeyami inokinokin. ²⁸ Krima bidi yinokninkinim nwis nwoimgi kigii, inkam nwirin Moses siir siyu iir nap karam nwowi mi Isrel simiir iikamim, simiir biyanim sima siirin wi donkwo. Mi siirin wa dipimpar aoki. Mi sima wi siirsi kipi haigwo. ²⁹ Mi kima panina naingwowi iya iikamim sima Adi Komii siir yinisimin digumii siir haimriiyugigi mi Adi Komii siya simiirin wi panina tiri, ha? Siya simiirin wi hik prasae prasae hau rani, wi hindara nonkwobumbuninkin iuguskii. Mi ti simiir siyuin Adi Komii siir yinisimin digumii siir haimriiyuin yi sima hinina boini, ta Jisis siya naonama paeyin hiiniya nironinkinin si mi siir nhieya ha naokiinainiya ta kitbmii boin aiir kirie haiginiuwam mi sima ha boinkim ya tariigina ya dimin komii rani. Mi sima siyu kibiyin Adi Komii siir naeyu ieya tirin krimiir siirin ini hindara yitkinisugiyin. Mi ti siyu hiriinanin sima tirin yo miyikimiyik rani, ini biyeki biye ywowin. Mi Adi Komii siya simiirin wi hik asi hauuwi. Mi simiirin wi asi nonkwobumbuninkin iuguskii. Mi Jisis siya naonama mi siir nhieya ha naokiinainiya, siya hinina boinkin, kima ta sair wakaeyokna ap. Mi Jisis siir nhieya krimiirin saeyar whinkinsis haiginiugin mi krimiir dimin bibiyeyim saeyar haiyoprimdiyumiigikim. Mi krima dimin whirki kimbu karamae asi nwokim. ³⁰ Krima bidi yinokninkinim yaiya Adi Komii siya boina ya hininga, kara iikamim siyu biye kariir tiriyim simiirin wi yamdiyar swoki tiri. Mi yai

gwira siya mi boina ya hiniinga, Biyan Inkam Komii kara kariir iikamim simiirin wi kara hidi dimin taeminim sama tiriyim simiirsi. ³¹ Mi Adi Komiiyin, yipikin omwai waiyayokiyokiiyin, siya wi iikamim siyu biye siir tirim wi simiir hidi. Mi ti dimin hiriinanin wi dig siya nwo haiginu rani. Nningaka. Mi yio hiriinan diminin, simiirin wi nidid prasae prasae nwo rani.

³² Kima dimin taeminim biigi bi kimar wakaeyim Krais siir mi ha wakaeyokna naingwo tibmii kinim, simiiram ti swoki haiyug naingwo. Mi kima naingwo tibmii kina sair mhoiya dimin biye kasa rani, kimiir naingwo tibmii aair tirbuwanim. Mi yim ti hiriinan dimin biyeyim sama wi kimiir nikwowaisii rani. Nningaka. ³³ Mi ii nhirim iikam nhirim pi kimiirar mi igbumbuwi. Mi siyu biye pi kimiirar mi tiri iikamim simiir whwonkam idain. Mipi kimiira mi iewaiyuwi. Mi ii nhirim kima bidiyar mi kigim iikam nhirim iki iikam miyikim simiir tirim siyu biye. Mi wim kima simiir whinwo, kirie sama nwowam. ³⁴ Mi kima iki iikam miyikim miyikim iki iikam biyeyim omaka huyokiyokaiya, sama hugripkiikikaiyim simiirsiyin naingwoyimyok prasae bi kinkim. Mi kima iikamim kimiir dimin imiir tauae haiyim io bi nwokim. Nningaka. Mi ti digworaekwowim ini simiirar mi kigninkin haigiyim. Dimusi rani, kima bidi yinokninkinim, Adi Komii siya kimiiram dimin miyikim miyikim imiirar haiginin mhoiya kima haiyamin. Mi ti digworaekwowim ini ti digworaekwowim sama tauae hainamim kimiir waraurankin ini simiir haiburim. Mi yim ti digworaekwowim

wi hiriyyar nwoyokiyokiikaeyami. ³⁵ Biya kima kiriyar nwokim mi Adi Komii siir siyi iirar sibgu apkim. Mi kima wi kipi niddid dimin biyieki kimiir tirbuwam tiri. Kima bidi yinokninkinim mhoiyya Adi Komii siya wi siir dimin kibiki kibi iirar hauugi yipiki siiram sibgu wakaeyokna naingwo tibmii kinim simiir. ³⁶ Mi kima sibgu donkworinu mi Adi Komii siir yai imiirarar wakaeyokna ap. Mi mhoiyya kima, digworaekwo whiekakim Adi Komii siya nimbingiyim simiir mirii digi mi siya kimiirin wi dimin miyiki miyikim siya nimbinim yipiki siiram wakaeyokna aingwo tibmii kinim wi simiiram hauugi. ³⁷ Kima kirie dwo. Dimusi rani, Adi Komii siir yaiya Krai siir win boinkiya Yokwo Komiini siya hinina boinkikin, wi imwan mwan rani, siyarin wa swoki kwiti. Siya wi i hoimgak nwo rani.

³⁸ Iikam miyik miyikim yipiki kariiram naingwo tibmii kiniyim sima inok inokin wi omwai kanakar waiyayokiyokii. Mi kimiir nhirkim kariirin digumii haimriiyuwi mi kara wi maigimaiga kimiiram nwo rani. Ningaka.

³⁹ Krima iki iikamim digumii Adi Komii siir haimriiyuwiyim simiir hiriinan tani mi Adi Komii siya krimiirin wi ha nonkwobumbuninkin tani. Ningaka. Mi nim krima iikamim Adi Komii siir yai aair wakaeyokna apiyim krimiirin wi siya whinkinsiis haiginuwi mi wi siya nanmai-warkainaei. Iriig.

Siyyu in krīma naingwo tībmi kīnan in siya.

¹ Naingwo tībmi kīniya hiniinga mi iya krīma diminim Adi Komii krīmiir Wanin siya boinim, simiiram naingwo tībmi kīni mhoiia nimbiamanin mi krīma hiriir naingwo tībmi kīni, sima wa nimbiamin. Mi krīma tikinim nitim simiiram asi nwowi. Krīma simiir kig rani mi krīma hiriir naingwowi, sima ina nwowim. Dimusi rani, Adi Komii siya bidi boinkiyin, sima ina nwowim. ² Mi biya, brougae nhirim sima Adi Komii siiramar naingwo hiriiru kingim mi siya big nasmirwaiya simiiram asi nwokin.

³ Krīma hiriir naingwo tībmi kīni, digworaekwo whiekakim siya boinim, yim kaimwokinaingim. Krīma bidi yinokninkinim, iya nu ninomor sowa nimbiamin Adi Komii siya hindara yai ara boinkin. Mi sowa ina yimbimbiamwo. Digworaekwo whiekakim ti krīmar kigim yim Adi Komii siyar tirkikim mi ti digworaekwoim, siya nonkwokwowim krīma bi kigim, siya panina namisi onkwokwokin.

⁴ Mi inkam nwirin, siir inigin Ebelkin, siya Adi Komii siiram naingwo tībmi kingin mi siya dimin taeminim Adi Komii siir asi ninkinimiiyaekim. Mi ti siya ninkinimiiyaeyim, yim ini siir yaowaeyin Ken siya ninkinimiiyaeyim ini simiir haiburim. Adi Komii siya hinina boinkikin, ti naeyim siya ninkinimiiyaeyim wadieki wadiekin. Mi Adi Komii siya siir boinki, siya dimin whirki bi kimbugin. Whisarii rani, siya siir siyu iir sibgu apkin, siya tira saiir hiriinan. Mi bidi bidiniyarin, Ebel siir naingwo tībmi kīna ha nwowa mi siya ha naonamkin. Mi ti yayim Yokwo

Komii saeya boɲinim dimin taeminim siya tirim simiir, yio krimiir nɛisimaugim, piki hɛnin dimin ikin krɛma tiriyim, Adi Komii siya maɛrgimaɛrga krimiir nwowanim.

⁵ Inok siya bi naonamkin. Dimusi rani, siya Adi Komii siiram naingwo tibmii kɛngin mi Adi siya siirin siyamar asi nikiunamkin. Mi iikamim sima siiram ha hansirnaaeiyim, sima siir bi swoki kigmiminkim. Nɛngaka. Dimusi rani, siirin Adi Komii siyar bɛdi yikiunamin. Mi Adi Komii siya siir yaiya sima winboɛnkiya Yokwo Komii saiir, saeya hɛniɛna boɛnkika. Mi iya siya siir niki ikiunam karam niki owa, ninomor koua hiriir mi dimin taeminim siya tirim, siirin maɛrgimaɛrga simar nwowaiginiugin siiramin. ⁶ Mi yipiki Adi Komii siiram naingwo tibmii kin karam nwowim mi dimin taeminim sima sibgu tiriyim, Adi Komii siya simiiramin, wi simiiram maɛrgimaɛrga rani. Nɛngaka. Mi yipiki Adi Komii siiram naingwowin, siir siyi iir sibgu apim mi mhoiɛya siya dimin miyik miyikim wi ti iikamim, yipiki siir siyi iir sibgu apim wi simiir hauuwi.

⁷ Mi bɛdi bɛdiniyarin ta i aiirin, iya Adi Komii siya Noa siir boɛnkiya mi siya siirin hɛniɛna boɛnkikin. Dimin biyɛ whirin wi sipi nimbiyami mi ti diminin, yio opud naoki. Mi Noa siya ti digworaekwowim simiir bi niki kigm. Siya hɛndara naingwo tibmii kɛngin digworaekwowim Adi Komii siya boɛnim siir, sima wa nimbiyami. Mi siya siyaiɛya ira yonkwokwo mi iya siya saiir nonkwokwo digiyin mi siyar kigi, opud naowo, nii okwonaniyo. Mi siya mi siir wigyin ima simaniiyin ina yapninopkainamim. Mi simaniiyin

ini siyaiinawu hirar ywokaayiim. Mi sima paniiinsi yaosi. Siya iikamim siyi bibiyie tirkaeyamim simiir nusiimauugin. Dimusi rani, siya siyairgin Adi Komii siir yaiya saiir wakaeyokna naingwo tibmii kinin. Mi yim sima. Ningaka. Mi Adi Komii siya ha boinkin, Noa siya inkam wadiekwadie ieyargin. Dimusi rani, siya siirgisiir yai aiirar wakaeyoknakin.

⁸ Mi Ebrahim siya yaiya Adi Komii siya boinkiya siir, siya saiir wakaeyin mi siya hiriir yaingwo tibmii kinin, ta yaiya yai kaimwowainga. Mi siya siir om iir ha haiburgigin mi siya kimidiniya om whira yam. Omin Adi Komii siya siir hauwanin siir. Mi omin Ebrahim siya namanin, siya bi ninokninkinkin. Siya Adi Komii siiram naingwo tibmii kingin mi siya asi namkin. ⁹ Ebrahim siya Adi Komii siir yai aiiram naingwo tibmii kingin. Mi siya ti omin Adi Komii siya boinin siir asi nakripkii whinugin. Mi siya amir omaka saiirarar nitkin whinkin, inkamin nu op karamaeyin hindara priiyakiiririyin siir hiriinan. Mi Aisak siya mi siir yinisim ieya Jekop yoniyin iriipi amir omaka saiirarar mi itkin whinko, Ebrahim siir hiriinan. Mi yo sowa iriipi hiriinan wi ti hiriinan digworaekwowim Adi Komii siya nimbiniim Ebrahim siir, wi simiirar mi haii. ¹⁰ Mi Ebrahim siya amir omaka saiirarar whwonkaigin. Dimusi rani, siya Adi Komii siiram nwokin, omin siya miriikwokin, siir namim. Mi tiki omin yio hiriirar nwoyokiyokikaeyamikin bi digikin. Ningaka.

¹¹ Sera saeya bidi yaingwo tibmii kina. Mi saeya ta yaiya Adi Komii siya boina, saiir saiira

naingwokwo nanaeka. Saeya waibiyie bidiyar ywowa mi ta saeya naingwo tibmii kina mi ta saeya naingwokwonanaeiya Adi Komii siya saiirin yinkak saiirsiyar nwowaiginiugin. Siya hiriinan asi tirkin, saeya bidi yaingwo tibmii kina, digworaekwo whiekakim siya nimbinim biya sima wa nimbiyami. Siya hiniina boinkikin, kowiir yinieyim sima wi kasa kasa nwo rani. ¹² Mi ti inkamin siya waibiyie bidi ywowin. Mi siya wi yniekak nwo rani. Ningaka. Mi siirin wi Adi Komii siyar tirkii mi siya wi yinisim yinkamiyinar niyoninkini. Mi mhoiya kiriir piugana wi kasa kasa nwo rani, sima wi yabsiyyinan nwowi mi wi nauunim ninomor kouanim sim hiniin nwowi. Mi iikamim simiir mwainim wi dig nwo rani. Ningaki ningakanga.

¹³ Mi yim ti iikamim yim bidi yaonamim. Mi sima ina naingwo tibmii kinim, ti digworaekwowim Adi Komii siya nimbinim siya tiram, simiiramin mi sima ti digworaekwowim Adi Komii siya boinim sima haiyam, sima simiir bi niki haigim. Mi ti digworaekwowim siya simiir hauuwam tirim, yim simiir nusiimauugin. Mi sima maigimaigra komii ti simiiramar nwowi. Dimusi rani, sima bidi yinokninkinim tiriiginim siya wa tirkii simiiramin. Mi sima hiniina boin, ti nuin, ti krima nwowin, yio krimiir nugi nu rani. Ningaka. Mi krima ti tir nwowim, ini inkamin nu op karamaeyin, hindara priyakiriririyin ini siir hiriinan nwowim. ¹⁴ Mi iikamim ti hiriinan yai boiniyim yim krimiir nusiimauugim. Sima ina niki idwo kaoyokiyokiyim, nu maeyau miyikamin sima nwowamin. ¹⁵ Sima kwoin

karamaekim, omin sima nhin haiburgigin siiram swoki amim. Nningaka. Mi sima siiram swoki nhinami, siir swokini waiyuam, sima wi swoki nhinkisaekimrae rani. Nningaka. Sima wi hinar nwokripkaii. ¹⁶ Mi sima ti omki omin ninomor kou hir nwowin, omin Adi Komii siya nwowin, siir siiramar naingwokwonanaeikin. Mi ti omin ninomor kou hir nwowin, sima hiriyyar naingwowi, ini ti omin nu tiranin ini siir haiburin. Mi sima ti omin ninomor kou hiranin siir siiramar naingwokwonanaei siir namim. Mi sima Adi Komii siirin hinina boinki, kira krimiir Adi Komiiigin. Mi Adi Komii siya ta yai aiirsiyin bi nididgin. Nningaka. Mi Adi Komii siiramın minam naingwo tibmii kını, siya om kibiyin simiiram bidi tirkwokinin, sima nini owouwam.

¹⁷ Bidi bidinanin Adi Komii siya Ebrahim siir kinankiugin. Mi siya Ebrahim siirin hinina boinki, wa kiriir yinisimin Aisakin siirin disomaoki mi wraisunan kariir winkin imiiaeki. Mi Ebrahim siya ti yinisim nwiruwan Adi Komii siya niki imbinin siirin ini wraisunan siirar swoki inkin imiiaekiyin Adi Komii siiram. Mi Ebrahim siya pi naingwo tibmii kingin mi siir kwoinin whirua ha nwokiyin mi siya hiriinan asi diriraerarkin siir yinisim iirin. ¹⁸ Biya Adi Komii siya Ebrahim siirin hinina boinkin. Mhoiia kiriir piugana komii nwowi mi kiriir piugankipiugan airin wi Aisak siir yinisimim simakisima nwo iski inigakin. ¹⁹ Ebrahim siir kwoinin whiruaigin, siya hinina naingwokin. Adi Komii siya siir yinisimin Aisak siirin wa swoki hidninsiin idwowi. Mi Ebrahim siya siir yinisim

iiirɪn ɪni Adi Komii siir yai aiirar wakaeyokna dirɪraerarin. Mi siya hiriinanar mi tirɪn, ɪni kaimwowar mi owɪn. Mi Adi Komii siya Aisak siirɪn ɪna swoki hauugiyɪn siir adɪn Ebrahim siirar. Mi Aisak siya naoni hanɪnaka, Adi Komii siya sibsibɪn ɪra hauukiyyugi mi Aisak siya bi naokin, ɪni ti sibsib ɪeya yao ɪskiyɪn.

²⁰ Aisak siir kwoinɪn whiruwar nwokin digworaekwowɪm Adi Komii siya nimbinɪm sima wa nimbiyami. Mi Aisak siya siir yɪnisɪm nwiso Jepok Iso sowiiramin ha nikiunain mi siya sowiirɪn piuai miyik miyikɪm ɪna yikɪumamauuwɪm, siir kwoinɪn hɪniɪna naingwo tibmii kɪngɪn ti digworaekwowɪm wa nimbiyami.

²¹ Mi iriipi hiriinan Jepok siya Adi Komii siirɪm naingwo tibmii kɪngɪn. Mi iya siya nao kingiɪn nwowɪn mi siir piuai miyik miyikɪm ɪna yikɪumamaugikɪn Josep siir yɪnisɪm yɪnkamiyɪn nwiso sowiir. Mi siya siir paekopin siir ha haiyɪn mi siya ɪna hɪuugu okwokiɪn. Mi siya Adi Komii siirɪn ɪna yokboinmamaɪrgiyɪn.

²² Mi Josep siya Adi Komii siiram naingwo tibmii kɪngɪn digworaekwowɪm Adi Komii siya nimbinɪm sima wa nimbiyami. Mi iya siya naonam kingiɪn nwowɪn, siya siir yɪnisɪm imiirɪn hɪniɪna boinmɪmaugik. Mi mhoiya Adi Komii siya Isrel kimiir iikamɪm simiirɪn nu isib tiranki nikiunami mi ta ii aiirɪn sima kariir kɪmwo imiirɪn wi warar hainop hainam. Mi maeyaua sima nini owiwi mi wi hir ti swoki haɪngikaɪyɪu.

²³ Mi Moses siir yopii ado sowawaiyɪn pi naingwo tibmii kɪngo, Adi Komii siiramɪn. Mi siya sowiirwaiyɪn wa whindirɪraeri. Mi mhoiya

yopiiya Moses siir naokainakiya mi sowawaiyar kigi yinisim yinkamiyin bimbuiwi rani. Mi sowawaiyin yaiya biya inkam komiiyin nu kigriraowiyin Pero siya boina yinisim yinkamiyin naokainaei mi wi disomsom aokao, sowawaiyin saiirsi bi nidadko mi sowawaiyin ti yinisim iirin bi nisomaokin. Ningaka. Mi sowawaiyin ti yinisim iirin bwanim whoima haigiprakai.

²⁴ Moses siya Adi Komii siiram naingwo tibmii kingin, siya hinina naingwokin Adi Komii siya wi saika nwowi. Mi siir iikamim Isrelanim simiirin wi siyar whinkinsiis haiginiwi nu Isib hir haiburgigamin. Mi mhoiya siya komii namwo iuwun mi siya ini boriisopin sima siirin nu Isib hiran inkam komii nikiuwim. Mi inkam komii Pero siir yinisim yinugiyina saiir yinisim nikiuwim, yipika siir haigiyu imiiaeya. ²⁵ Mi Moses siya iikamim Isrelanim Adi Komii siir isidin simaka nwowamar tiri mi hik simaka ninkin haiyama mini. Mi ta ii aiirin nu isib hiran iikamim sima hik prasae prasae bi hauugim mi siyu miyik bi mi tirkim, Isrel simiir iikam imiirin. Mi siya pi boriisopkin inkam komiinan nidwomamairim nu Isib hirin mi Adi Komii siirin digumii haimriiyugigim. Mi ti siyu bibiyie whiekakim yim ii priei maigimairga rani. Ningaka. Yim simiirin ii haruwa saiirara maigimaigaki mi siya ti siyu biyie imiirin pi boriisopi. ²⁶ Mi siya hinina naingwokin, Krais siya niti mi digworaekwo miyik miyikim siya siir iikam imiirin wa hauuni. Mi siir kwoinin hinina naingwokin, siya siir iikamim Isrelanim simakar dinkin o. Mi siya Isib simiir iikam ima

nigbumbuwa siir sairsi bi naingwoyimyokin. Whisarii rani, siya hiriyar naingwo tibmii kani, siya hik Kraisi siir inig iir mi haiyin, ini mi owin. Siir kwoinin ha naingwokin digworaekwo miyik miyikim Adi Komii siya siir hauuwi, yim wi umir digworaekwowim nu Isib simiirim wi simiir haiburi.

²⁷ Moses siya Adi Komii siiram naingwo tibmii kungin. Inkam Komii Pero siya wi dig nwo rani, Adi Komii siirin. Mi siya asi haiburgin nu Isib siirin mi siya ina yamin, siya inkam komii Pero siya nwowa iowa siir siya sairsi bi nididgin. Mi Moses siya kwoin whisair bi nwokin siir kwoinin ini kirieya ywonamin, siya bidiya yinokninkinin Adi Komii siirin inkamki bi kigin. Nungaka. Mi siir kwoinin hinina naingwo tibmii kungin, Adi Komii siya ini saika nwowin mi wi siirar whinkinsiisi. ²⁸ Adi Komii siya Moses siirin hinina boinki mi kira sibsib haomin ira hai mi siirin pa disomao mi siir nhieyim Isrel iikamim kimiir omaka ano migmig imiir srileyop. Mi mhoiya iya paekwosimin yinisim yinkamiyin yinaomiyinin sim nisomsom aowiyin Isib simiir yinisisim imiir siya niti mi siya nhieyim kimiir ano nwowim simiir kigi mi wi ti omakaim simiir iikamim kimiir yinisim imiirin wi wara nisomao rani. Mi Moses siya ta Adi Komii siir yai airam wakaeyokna naingwo tibmii kungin. Mi ta i aiiirarin Moses siya i komiia wou nikwo aeiya sairar nikwo ae bwakainakin.

²⁹ Mi Isrel simiir iikamim sima hiriyar naingwo tibmii kungim Adi Komii siiram, simiirin wi siyar whinkinsiis haiginiuwi, iya sima ta

whii komiia solwara sima dapiya retsi saeya ninkiyakiyim mi sima wa nwoki apnaiidamim mirmiiya. Ti haimii haimiiyo ninkiyakiyo sowiir bopwowa. Mi sima siyiun iikamki napiyin opmin nokwo nhu karam nwowiyin siir hiriinan napnaiidamkim. Mi sima wi ta saiirsi nao rani. Nningaka. Mi mhoiia nu Isib hiran kamim ha swoki siunamim simiir nisomsom aokaowam mi ta opa ha swoki inaparnananiya, simiirin ini saeyar kairimipu aokaokiyim.

³⁰ Mi Isrel simiir iikamim sima hiriayar naingwo tibmii kingim, Adi Komii siya simiirin wa whinkinsiis haiginiuwu, Jeriko simiir iikamim simiir hainurur haiginiuwim. Mi sima om Jeriko siirin iiyim iriayar kwisa yapyokiyokai. Mi mhoiia simiirin Adi Komii siya whinkinsiis haiginiu. Mi hira om komii iir nidyokiyokaiya omomsi ina nhimnhinkii iuguskiya. Mi sima ina yinsiin ansiininoop kainamim iikamim simiir nisomsom aokaowam. ³¹ Mi wig ira Rehap nikiuwiya biya saeya hii nanaeyan wig nwoka mi saeya hiriayar naingwo tibmii kinga, Isrel simiir iikam imiirin wi Adi Komii siya whinkinsiisi mi sima Jeriko simiir iikam imiirin wi yamdi kwiruwa sima simar hainurur haiginiuwu. Yio ti om komiyyin, ta wiga saiirar om komiigin. Mi Isrel simiir inkam nwiso tirnankaiyam nimprio amwo sowiirin saeya haigiprakaigigo. Mi mhoiia ti om komii Jeriko hiran iikamim Adi Komii siiram naingwo tibmii kin karam nwowim simiirin sima hainwhrwoimginki. Mi sima ta wiga Rehap nikiuwiya saiirin wara bi ninkin haingim saiirin ini hiriayar haigwonaowida.

³² Mi kara iki niwii nhirim kimiirin pi wara boinmimauu rani. Nningaka. Mi kara kimiirin Gidion, Barak, Samson, Jepta, Devid, Samuel mi profet inkam ikim, kara simiir niwii iir boinmimauuwi, pi haruwa haruwa namki rani. Nningaka. ³³ Mi ti kamim yim Adi Komii siiram naingwo tibmii kuningim mi sima iki omom omoman iikamim simiir asi hainurur haiginiugim. Mi sima siyu miyik iirar tirhaiginiugin. Mi sima dimin taemin miyik miyikim Adi Komii siya nimbinim simiirim, simiir asi haigim. Mi sima laion simiir yayim hiriinan asi mi okmwim tipkripkaigim mi sima simiir paniinsi mi aesi. ³⁴ Mi iikam nhirim naingwo tibmii kun karamaeyim, iikamim naingwo tibmii kunim simiirin sima kiyitkaigaiki paeya nudkwakwa sair. Mi simiirin paeki bi swoki umiminkim mi ha bi naonamkim. Mi inkam nhirim simiir nisomaowamar tirkim mi sima ini yidamim. Mi sima, simiirin paniinsi yisomsom aokaosi. Mi ti kamim sima kirie karamaekim mi simiirin kirie Adi Komii siyar hauu haiginiugim. Mi iikamim omom omomanim sau sima ninit yokiyokiyamim. Mi simiirin sima hainurur haiginiuwim mi sima ina yidam ninoopkiyim. ³⁵ Mi wig nhirim naingwo tibmii kunim, iya simiir yinkamkim naowiyim mi ta simiir naingwo tibmii kuna Adi Komii siya simiir yinkam imiirin sairsiyar swoki hidninsiin idwowi ie hirankin. Mi iya omomkim nitiyim, ti iikamim naingwo tibmii kunim, simiiram mi simiirin, pi sima nini ipimpar onkwobumbuninkin haiginiugigi. Mi sima, simiirin pi hinina boini, kima kimiir Adi

Komiiyin digiumii siir haimriiyugigi mi kríma kímíirín pí rirmíiya nwoki mi yim ti iikamim naingwo tibmíiyim, yim síma híniina naingwokim, kríma naonami, kríma wí íe hírankar swoki insiin idwowi. Mí wí omwai Adi Komii saíkar swoki waiyayokiyokwíi. Mí síma tí simíir sau omomim pí simíir yai aíir swoki wakaeyokna rani. Mí síma Adi Komii síirín pí digiumii swoki haimriiyu mimin tani. Níngakíníngaka. Mí simíirín pí simíir sau omom ímar nísom som aokaoki. ³⁶ Mí iikam biyé biyéyím, iikamim naingwo tibmíi kíinim, simíirín pí síma níkbumbunínkin haigíníuwi mí síma, simíirín pí idgíuni mí ípímpari. Mí simíirín pa nonkwonami mí simíirín pí maeyau biyé híuyokiyokaiya mí biyé míriiya saíir nini híugrípkíkíkaigigi. Mí simíir íga íin ímíirín pí haini mí kogrímdínuwi. ³⁷ Mí nhírím síma, simíirín síiyani kaiyamík aoki mí nhírím yim bopwoniya hígrímkrípki hísráeni, mwo sa mí dínaíirín yío sa. Mí síma kamkíuwím ha mí ípímpar hampímpít aokiyím. Mí iikam nhírím naingwo tibmíi kíiníyím, yim síbsib mí meme ísím simíirarar mí kaiyaprírír. Mí síma hínda tínda híndarar príiyap whaowaeyamkím. Síma umír dígworaekwo mín karamaekím. Mí síma iikamim naingwo tibmíi kíinim simíirín síyíu mwoni bí naphaigíníugím. Mí síma simíirín hík kímpípísu prasae prasae bí hauugím. Mí síma síbgu bí nwokím. ³⁸ Mí iikam nhírím naingwo tibmíi kíiníyím, síma híndarar príiyap whaowae whwonkaikaeyami íkí maeyauwím iikam karamaeyím simíirar. Síma tí híniín maeyauwím sím whwonkaigíyamkím, mhíu, síyano mí íe míním sím, síma iikam bímbíuwi rani,

ini iki iikam nhirim simiir haiburim mi sima ini digworaekwo karamae ywowim.

³⁹ Mi ti iikamim Adi Komii siiram naingwo tibmii kinim. Siya simiirin hinina boinkikin, sima dimin whirmin whirminki bi swoki kimbugim. Mi sima inig komiigakim. Mi ti iikamim sima ti digworaekwowim Adi Komii siya nimbiniim iikam krimiir hauuwam, sima simiir bi niki haigim. ⁴⁰ Mi Adi Komii krimiir Wanin siya ti digworaekwowim simiir bi niki hauugim. Dimusi rani, siya ini digworaekwo nhirim ini simiir niki diriraerarin, ti siyiun biya sima napin siir haiburanim. Mi siya krimiirin dimin whirkin kimbu karamae sima nwowamar tiri, ta miya Kraisi siya miriia sairsi. Iriig.

12

Mi krimiir nhwowim Jisis siirara kaoiski mi siir siyi hiriinankina dapiski.

¹ Mi krma ini panina nwowim? Mi ti iikam whiekakim bidi bidinanin naingwo tibmii kinim Adi Komii krimiir Wanin siir yai wakaeyoknam mi kirie nwowim, kara niki boinmimauuim krimiir mi sima iikam kasa kasa rani mi sima krimiirar kigiyim mi krma iriipa hiriinan simiir siyi hiriinana timi ap. Mi krma dimin taemin bibiyeyim krimiir nipiyaokiim simiirin digumii haimriiyugig. Mi krma ti dimin biyeyim simiirin duguski mi krma rirmiiya dwo mi krma iriipa hiriinan inkamin ninkininin niwitiyin siir hiriinan dwo, iya siya ninkikin iwitiyim, siya yuiskak bi ninkikin iwitikin, siya parurar niwitikin. Mi krma dimin biye imiirin duguski mi krimiir mhi

kwoinim kirie dwo, Adi Komii siya nimbina miya krimiir saiiramɪn. ² Krimiir nhwowim Jisis siirima kigninkwonam, krimiir naingwo tɪbmiiya saiir biyiɪn ini siyar ywowin mi tariinanin mi mhoiia iriipi hiriinan krimiir naingwo tɪbmii aiirin wi siyar digaiginiuwi mi wi siyar mi whinkinsiisi. Biya Jisis siya ha naingwokin mi ta nɪdid komiia kara haiya paeyin hiiniya nironinkinin siir mi ta kara mi aonamaka ya dimin kabi rani. Mi whisarii rani, mhoiia kara wi maigimaiga komiigak nwowi, kara wi ipiia Adi Komii siir ina iniig miya nwowa wi saiir nɪdwowi, maeyaua inkam inigakim sim nɪdwowiya saiir.

³ Kima sibgu daingwo, inkam biyeyim siyu biye tirim Jisis siir biya sima io siir nwowim mi sima siirin hik kimpipisu prasae bi hauugim. Mi siya Adi Komii siir siyu miyik iirin ina yonkworinuwin mi siya ina yokworinukripkaiyin. Mi kima ti siir siyu iir daingwo, iya hik komii komiayim kimiir nimbiamiyim mi kima piugi kipi piyao mi kimiir mhi kwoinim opair kipi nwo. Ningaka. Kima Adi Komii siir siyu miyik iirin donkworinukripkai. ⁴ Mi iya siyu biyeiki kimiiram kinankiuwi mi kima wa niriyyu boini mi kima wi nhiekaka nwowi sairsiyin, aniya? Ningaka. ⁵ Mi kimiir kwoinim ina yaingwo owouu iuguskiyim ti yayim Adi Komii siya kimiir boinkiyim, kimiir whinkinsiis haiginiuwam, aniya? Bidi bidiniya inkamin Yokwo Komii saiir winin Adi Komii siir yai imiirin siya hinina win boinkikin,

Kima kariir yinisisimkim, Biyan Inkam Komiyyin
siya kigninkinki hikim kimiiramɪn kima

haiyam mi kima nwoki ididim dimin
biyeyim kima tirim simiirsiiyin yio siya
kiriirar grab haiginiuwi mi adin siir
yinisimin igao yai siir boinaiginiuiyin
mi siir hiriinan mi kima hikak kipi nwo mi
piugi kipi mi piyao ti siyiun Adi Komii siya
tiriyin kimiirsiiyin. Mi kima ha kipi naingwo
ti diminin yio dimin komii rani. Niingaka.

⁶ Dimusi rani, iikamim Adi Komii siya simiiram
naingwokwonanaeyim siya simiirin hik
pa kigninkin haigi mi siya simiirin siyiu
miyikim pa nisiimauuwi. Mi iikamim Adi
Komii siya kigninkin haiiyim hik mi sima
dinokninkin mi yim siirar yinisisimkim.

⁷ Mi hiriinan kiniuwi kima dokworinu hikim Adi
Komii siya kigninkinkiyim kimiiram kima haiyam.
Siya kimiirar grabaiginiuwi siir yinisimnan mi
kima siir yai aiirar sibgu wakaeyokna. Mi ti
hikim kima haiiyim, yim Adi Komii siya kimiir
nisiimauuwi kimiir whinkinsiis haiginiuwam.
Siya ha naingwowi kima siir yinisisim miyik
nwowim mi kima siyiu miyik dwo. Yipiki
adkin siir yinisim iir tio karamae nwowin,
ha? Niingaka. Ad nwirkin siir yinisim iir bi
kigninkinkin, sima simiir yinisisim imiirin ha
tiowikim. ⁸ Ad whiekakim sima simiir yinisisimim
pa sibgu grabi mi adim sima kimiir sibgu grab
karam nwowi mi sima wi siir yinisim kin nwo
rani. Niingaka. Yim wi mwraomii yin nwowi.
⁹ Mi krima ti siir daingwo mi krimiir adim
nu tiranim sima krimiirin krimiir siyiu biye
imiirsiiyar grabaiginiuwikim. Krima simiirsi
nwoki ididim mi krima wa ninokninkinim sima

ini kr̥m̥iir kou ywowim. M̥i Adi Komii siya ini kr̥m̥iir adim nuanim simiir haiburin m̥i ini kougikou siyar ywowin m̥i kr̥m̥iir kwoinbudin omwai waiyayokiyokiyyin simiir adin yio Adi Komii siyairgin. M̥i hiriinanki niuwi, kr̥ma siirar kigninkin kr̥m̥iir siyiu biyeyim kr̥ma tirim wi siyar nwoki grabaiginiuwim m̥i kr̥ma wi omwai saika nwoki waiyayokiyokiyyim.

¹⁰ Kr̥m̥iir adim nu tiranim sima kr̥m̥iirin ti priei bi grabaiginiuwikim kr̥m̥iir siyiu biye imiirsiyyin iya kr̥ma yinisim sapisap nwowiyim m̥i sima simiir kwoinairga naingwo diriraerarikim, siyiu miyyikin kr̥ma nwowamin siirin. M̥i Adi Komii siya hinin bi tirikin. Siya kr̥m̥iirin siyiu miyyik iirar grabaiginiuwikin inokinokin m̥i siya kr̥m̥iirin, wadiyar m̥i whindiraerar haiginiuwikin. M̥i kr̥ma wi dimin whirki swoki kimbu rani, siir hiriinan. ¹¹ M̥i iya Adi Komii siya kr̥m̥iir siyiu biye imiirsi grabaiginiuwiyim m̥i kr̥ma hik prasae bi haigim. M̥i ta ti aiirin kr̥ma maigimaiga bi nwowikin. Nungaka. M̥i mhoiia ta siya graba kr̥m̥iirin wi saeya whindiraerar haiginiuwi siyiu miyyikin. M̥i kr̥ma wi wadiya nwowi. M̥i kr̥ma wi iripar nongwomamair aekiyami. Iriig.

M̥i kr̥ma wi mintarao Adi Komii siirin digumii kipi haimriiyugig.

¹² M̥i kr̥m̥iir nhirim ini piyaowim Jisis Krai siir yai aiir wakaeyokna apim. Ini iikamim aru maeyauanki napnaniiyim m̥i igrib paimwo ignanaokak ha naokiyyim ini simiir hiriinan ywowim. M̥i iya dimin biyekiki kimiiir

nokwoninwomwɛrninkini mi kima wi kimasiyar kipi naingwoyimyokna. Mi kima Krais siir yai aiiramɛn wi haini wakaeyokna ap bwakainam kima tira saiir hɛriinan. ¹³ Mi kimiir siyiun kima tiriyin sibgu mintirao piki hinɛn siyɛu ikin kima sibgu apanɛn ti nu iirin. Mi kima siyɛu miyik sibgu tiri mi iki iikamɛn aru maeyau namam minim sima kimiir swoki kigi, kima Adi Komii siir siyɛu iir sibgu wakaeyokna api mi yim sima iriipi hɛriinan Adi Komii siiramɛn wa mi aingwowi.

¹⁴ Mi kima iikam nhirmaka dongwomamair ae. Mi kima siyiun Adi Komii siya naingwowyim kima napam siirarar dap iski. Dimusi rani, kima siyɛu miyik imiir sibgu ap karam nwowi kima wi Biyan Inkam Komiiyin saika nwo rani. Ningaka. ¹⁵ Kima kimasiyar mintaraona wim wi iki dimɛn miyik miyikim Adi Komii siya diriraerar haiginkwokinɛn wi simiir hai karamae pi nwowisi. Mi inkam nwirki kimaka nwowi mi siya Adi Komii siir yai aiirin hindara nitkii uguskii mi kimiirin siya yaeya yai nowimwarkaiaiyuwi mi yaeya siyɛu biyie whir mi owimwarkaiaiyuwi mi kimiir iikamɛn sima siir yai aiir wakaɛi mi simiir naingwo tibmii kina ha nitkiigii mi yio ti hɛriinan siyɛu biyie iir kipi tir. ¹⁶ Kima kimasiyar mintaraona kima hɛi hinda kipi priinanae priinanae. Mi kima ha kipi naingwo Adi Komii siir dimɛn taeminɛn yim dimɛn komii rani. Biya Isokin si tira saiir hɛriinan. Ningaka. Siya ha naingwokin, ti yayim brougae Ebrahimni siya hauuwim yim yai komii rani. Mi siya dimɛn miyik miyikim siir ad ieya hauuwam tirim siir nomousimɛn siir asi kigninkin

haigikin, ti dimininim mi dimin kibi kibiyim Adi Komii siya hauuwanim siir mhoiia, siya simiirin warar yinkin hauugi. Mi iya siya mhiigi naowa siir nomousimin naesim ha hauuwun mi siya ti dimin miyik miyikim simiirin ina hauuwun siir. Mi siir kwoinin hiriyar yaingwo ti naeisimin ini ti dimin miyik miyikim simiir haiburim. ¹⁷ Kima bidi yinokninkinim mhoiia siya ti dimin miyik miyikim simiir haiyam swoki tirin. Mi Aisak siir kwoinin Adi Komii siya hürworwokai siya ti dimin miyik miyikim Iso siir kipi swoki hauu. Mi siya siirin hinina boinki, kira wi dig nwo rani, kiririn bidi kiyopsibgikikaigigin. Mi Iso siya siir ad iiramin nhami nhami bi nougin. Mi Aisak siir kwoinin Adi Komii siya hürworwokaigin tiki dimin miyikmiyikim Iso siir kipi swoki hauu. Ningaka. Iriig.

Mi krīma Adi Komii siir yai aiir sibgu wakaeyok-naei, krīma wa nimbīyami mhiu Saiona hiriirin.

¹⁸ Mi bidi bidiniyarin iya Adi Komii siir yaiya winwin kima wakaeya kima kimiir nhwoki kigim mi kimar bi wakaekim, Isrel simiir iikamin simiir hiriinan. Ningaka. Yim sima ti mhiuin Sainai nikuiwiyin siir nitkim. Mi ti mhiuin siir mhiu kiu hirin diminin ini paenan kou hirar niuyan. Mi mhiuin siir koua simar kigi waumir yhiuwinana siir kou hir nwowi ya ini niibwomambwonan ywonama. Opud naoki nindurunankainaiya ini hinin ywowa. ¹⁹ Mi simar wakaeki, inkamin ti mhiu kiu iir nwowin kidin pi maskii. Mi ta saiir mhoiia, simar wakaeki, inkamin ti mhiu iir nwowin kauwok boinkiyin mi iya Isrel simiir

iikamim sima ti inkamin mhiu kiu hir nokwo kauwokiyyin siir yai aiir wakaeyim, sima nidid prasae bi kinkim. Mi sima Moses siir boin, krɪma pi nididi siir yai aiir swoki wakaeyim. ²⁰ Mi sima nidid prasae bi kinkim Adi Komii siir yai aiirsiyyin, siya kauwok boinkiya simiir saiirsiyyin. Dimusi rani, siya hinina boinkin, wig biyye kam biyye yinisim nwirkin mi wraisu biyye irkin ti mhiuin siir kingiin niti mi siir napririri kima siirin wi siiyani kaiyimik aoki. ²¹ Ti iikamim ti dimin iir kigim, sima nidid prasae prasae bi kinkim. Mi yio Mosesin hiriyyar mi boin, an kara iriipi hiriinan nidid prasae bi mi kinkin.

²² Mi wim kima ti iikamim ti tariinan Adi Komii siir yai aiir wakaeyokna apim, wim kima ti mhiuin siir bi nitkim, wim kima wi mhiu whirin Sainai nikiuwiyyin siiram nitkim. Omin Adi Komii siya nwowin ninomor kou hir, sima ti om iirin ha dapikim om Jerusalem, omin paekwosim whiekakiwhiekakim iripa sima nongwomamair aeiyyin krɪma nitanin siir. ²³ Wim kima iki Adi Komii siir yinisisim whiekakim simakar nitkim, yipiki siir dimin miyyik miyyik imiir haiyanim. Mi kima wi iripar nangiriyiuiwi mi wi maigimaiga komiigakar nwowi. Adi Komii siya kimiir inigim mi simiir inig ikim, siya bidi winim siir yokwowa ninomor kou hirana saiir. Mi siya ina ninokninkinin, yipikin siir yinisimin. Wim kima Adi Komii siiram bidi yitim. Adi Komiiyyin siyairgin, yipikin iikam whiekakim simiir kigirkakanin. Mi iikam ombud komiiyyin simiirin wi siyar hidi. Mi iikamim biyanim, yipiki biyya Adi Komii siya boinin

hɪnɪn dɪmɪn wɪrki bi kɪmbugɪm sɪma wɪ saɪkar
 nwowi siir om iir. ²⁴ Kɪma Jɪsɪs siiram nɪtkɪm
 ɪnkamɪn krɪmiir kaoprɪgi okwowiɪn. Aɖi Komii
 siya yaeya kitɪbmii boɪn wɪn hauugikɪn mi yɔ
 siya kɪmɪdiniya krɪmiir kwahauugi, krɪmiir
 whɪnkinsiis haigɪniuwam Aɖi Komii saika krɪma
 nongwomamair aekiyamam. Siya biɖiyar
 yaowɪn, siir nhɛ aeya naokiɪnaiiniyam. Mi biɖi
 biɖiniyarɪn, ɪnkam nwɪrɪn Ebel nɪkiuwɪɪn siya
 naowa mi siir nhɛya ɪna mi aokiɪnaiinama. Mi
 Jɪsɪs siir nhɛya ɪni Ebel siir nhɛya saiir haibura.
 Mi Aɖi Komii siya Ebel siir nhɛ aɪir kigiyɪn mi
 siya Ken siirɪn io prasae prasae bi nwokin. Mi siya
 hɪniina yaɪngwo, ti siyɪu biyɛ hɪriɪnanɪn Ken siya
 tɪrkiyɪn yɔ mɪiyɪk rani. Mi siya siirɪn siyɪu biyɛ ɪna
 swoki tɪr haigɪniuwɪn. Jɪsɪs siir nhɛya Aɖi Komii
 siya krɪmiirɪn saiirsɪyar nanmaiɪwarkainakɪn.

²⁵ Kɪma kɪmasɪyar mɪntɪrao wɪm wɪ yaɪyɪm Kraɪs
 siya boɪnmɪmauuiɪm kɪmiir siɪmiirɪn wɪ digɪumii pi
 haigɪngigisi. Biɪya Aɖi Komii siya ti mɪhiuɪn Sainai
 nɪkiuwɪɪn siir nokwowɪn mi siya siir yaɪyɪm
 iikam ɪmiirɪn hɪrar nokwo boɪnmɪmauugi. Mi
 iikam nhɪrɪm yɪm ti yai ɪmiirɪn ɪni yɪmɪiyɪuwɪm.
 Mi sɪma ta Aɖi Komii siya tɪrbumbu haigɪniuwa
 siɪmiir saiirsi nɪdamɪm ɪni siyɪu karam ywowɪn. Mi
 nɪm krɪma ta siya tɪrbumbu haigɪniuwa saiirsi mi
 ɪdamɪm wɪ pi ki hɪnɪn siyɪuɪn si mi ɪdami krɪma
 siir yai aɪirɪn digɪumii haimriiyɪuwi, ha? Nɪngaka.
 Siya Aɖi Komii siir omɪn nɪnomor kou hɪranɪn siir
 hɪrankɪ nɪtkɪn, krɪmiir digworaekwo whiekakɪm
 siɪmiir boɪnmɪmauuiwam. Mi nɪm krɪma nɪdamni
 siyɪu karamka. Nɪngaki nɪngakiɪnga. ²⁶ Mi
 biɪya iɪya Aɖi Komii siya mɪhiu Sainai hɪr nokwo

boɪnmɪmauugiyɪn siir yai ɪmiir, nu ɪni warar kiisiskiyɪn. Mɪ tariinanɪn siya ɪni yaeya yai kwɪr swoki bɪngikaiyɪn. Kara wɪ nu siirara tɪrki rani, siya siyar kiisisam. Nɪngaka, kara wɪ nu nɪnomor sowiirar tɪrki mɪ wɪ sowar kiiswowi. ²⁷ Mɪ ta yaiya saeya hɪnɪna boɪnka, kara wa swoki tiri, saeya krɪmiirɪn hɪnɪna niisiimauuga. Biyarɪn iya Adi Komii siya nu iir nonkwokwokiɪn mɪ mhoiɪya ti nu iirɪn mɪ digworaekwo whiekakɪkɪm simiirɪn siya tɪrkii, sima wa kiisiskii. Mɪ digworaekwo whiekakɪm wa diguguskii. Mɪ digworaekwowɪm ɪki wara kiisis karam nwowɪm, yɪm Adi Komii siya simiirɪn wɪ hiriiyar kɪgnɪnkɪn oki.

²⁸ Digworaekwo whiekakɪm Adi Komii siya krɪmiir hauuwanɪm yɪm ɪni siir om hɪrar nwowɪm, omɪn iikam whiekakɪm mɪ digworaekwo whiekakɪm simiir kɪgɪrkakiyɪn siir. Mɪ yɪm ti digworaekwowɪm yɪm wɪ wara kiisiski rani. Nɪngaka. Mɪ krɪma simiirsiiyɪn maɪgɪmaɪrga komiigakar dwo. Krɪma Adi Komii siir ɪnɪgɪn asi hainanprapraskii. Krɪma siyɪu miyɪkɪn siya naɪngwowiyɪn krɪma tɪram siirsi hainan prapraskii. ²⁹ Mɪ krɪma wɪ hiriinan digworaekwowɪm simiir asi tiri. Dimusi rani, krɪmiir Adi Komiiyɪn siya ɪni paenan ywowɪn digworaekwo whiekakɪm pi siyar niugisɪnki. Mɪ digworaekwo whiekakɪm maɪgɪmaɪrga siir nwowaigɪniɪu karam nwowiyɪm, simiirɪn wɪ siyar niugisɪn iuguski. Iriig.

13

Kɪma

krɪmiir

akamɪm

simiiram

naingwokwonanaei.

¹ Mi kima kimiir akamim Kraisi siirim, simiiramim hiriir daingwokwonanaei. ² Kima iikam nhirim om whiranki nitiyim simiirin igi haigi idwokaigi. Dimusi rani, biya iikam nhirim sima ti hiriinan siyiin siir bidi tirim. Sima bi ninokninkinkim ti inkamim igi sima haigi idwokaigiyim yim paekwosim imairgim Adi Komii siir om hiranki nitkim. Mi iya sima kimiir omaka nitiyim kima ninokninkin karamaeka. Ningaka. ³ Mi kima iki iikam nhirim maeyaua hiuyokiyokaiya saiir hiugripkiikikaigiyim, simiirsiyin naingwoyimyok prasae kipi kin. Kima hir wara ninkin oni haninaka. Mi kima iki iikam nhirim iikam nhirim nonkwobumbuninkin haiginuwiyim simiirsiyin naingwoyimyok prasae kipi kin, kimar haini haninaka, ta hika.

⁴ Kima ha daingwo onkworinunani nonkwonani siyiin yio siyu biye rani. Mi kima nonkwonani, siyiin siir kipi haiburgik. Mi hai kipi priinanaeyam. Dimusi rani, kima ti hiriinan siyu biye iir tiri, kimiirin wi Adi Komii krimiir Wanin siya hidi.

⁵ Kima umir hoimgak haiyim kipi kigmai. Diminin kima haiyin kima hinina daingwo, yio ini mi owin. Dimusi rani, Adi Komii siir yaiya Yokwo Komii saiir nwowa saeya hinina boinkika. Kara wi kimiir haiburgig rani. Mi kimiirin wi digiumii haimriiyugig rani. Ningaka. Kimiirin wi karar mi kigiraowi. ⁶ Adi Komii siya ta hiriinan yaiya minam boinkikin, krima nwoki inokninkinim. Adi Komii siya ini krimaka kingiina nwowin. Mi krima iraka nwiraka kingiin dwo. Mi krima hinina boin,

Krĩmiirĩn Biiyan Inkam Komii siya whĩnkĩnsiis haigĩniugĩn. Mi krĩma siyũ biyeyĩn iki iikam ima tiriyĩn krĩmiir, siirsiyĩn kipi nĩdid.

⁷ Mi kĩma iikamĩn biiyanĩm simiiram ti swoki aingwoki. Krĩmiirĩn simar sibgu kigrĩraokim mi kĩmiirĩn sima Adi Komii siir yai mĩiyik mĩiyik imiirar boĩnmĩmauugĩm kĩma dimĩn taemĩnim sima tirĩm mi siyũĩn sima sibgu apĩm Adi Komii siir yai aiir siiram ti swoki aingwoki. Mi wĩm kĩma ti siyũ hĩriĩnanĩn sima tirĩn siirar timĩ ap.

⁸ Mi kĩma Krais siir yaiya biiya kĩma wakaeya saiir sibgu wakaeyokna ap. Dimusi rani, Jisis Krais siya wĩ hĩriiyar nwoyokiyokĩĩ, iĩnokĩĩnokĩn siya wĩ wara kisina rani, yaeya nwowamĩn. Nĩngaka. Mi siir yaiya siya mi boĩnmĩmauuwa saeya wĩ wara kisina rani, yaeya, wĩ hĩriiyar mi okripkaigi. ⁹ Mi kĩma kĩmiir kwoĩnĩm kipi kiwaki, iki yaipai yaipaiyĩm iikam nhĩrkĩm sim boĩniyĩm biiya kĩma wakae karamae nwowĩm kĩmiir kwoĩn imiir kiyaiyamĩn, yĩm sima minam tĩri, kĩma Adi Komii siir yai kĩbiya digĩumii saiir haigingigĩm. Mi iki dimĩn mĩiyik mĩiyikĩm Adi Komii siya tirĩm, kĩmiir whĩnkĩnsiis haigĩniuwam. Yĩm minam tĩrkĩm kĩma Adi Komii siir yai aiir nwoki wakaeyokna apĩm. Kĩma tĩra saiir hĩriĩnan. Mi ti yayiyĩm iki iikamĩn sima boĩnmĩmauuiĩm naeni siyũĩn si, yĩm dimĩn komii rani. Mi ti hĩriĩnan siyũĩn siir tiriyĩm, yĩo Adi Komii siir yaiya saiir bi sibgu onkworĩnuwikĩn. Nĩngaka. Adi Komii siir naingwobumbuwa krĩmiirĩn wĩ saeyar whĩnkĩnsiis haigĩniuwĩ, kĩma sibgu okworĩnuwamĩn.

¹⁰ Jisis siya paeyĩn hĩniya nĩĩonĩnkinĩn siirĩn

minam naokin, kimiir nanmaiwarkainaim. Mi iikamim sima Moses siir yaiya saiir wakaeyok-naei mi wraisu hirii hiriir nısomsom aokao nınkinimiiyaenanaei Adi Komii siir, ya hınınga, ta Jısis siya naonama paeyın hiiniya nırionınkinin si wi dig di nwowi, simiir dimın biyie biyeyim simiir haiyopriimdiyumiigiyim. Mi sima hirii hiriir tiri mi ta Jısis Krais siir miya simiir whınkinsiis haiginıuwım wi dig nwo rani. Simiir dimın biyeyim simiir haiyopriimdiyumiigiyim. Nıngaka. ¹¹ Mi prismi biyan inkam komiiyın siya pi wraisu nhıeyım sim nısomsom aokaowım, pi simiir haii. Mi siya ti nhıe imiir haiiyın mi siya pa napnınopkainami Adi Komii siir maeyaua hiuyokiyokaiya dimın whırmin whırmıki kimbu karam nwowa saiir hiriir, maeyaua Adi Komii siyar nwowiya saiir. Mi siya ti nhıeyım pi hi idwo hir nini haiginıuwi, dimın biyeyim iikam ima tirım simiirsi. Mi ti prismi biyan inkam komiiyın siya wraisu imiirin pris inkam nhırım simiir hauugii, sima nani anagiuwım, om komii siir yaba maeyaua sima niınanaknınkına saiir. Mi ti dimının Krais siya tirın, yio iriipi hiriınanaırgın. ¹² Mi Jısis siya omın Juda iikam sima nwowiyan siir yaba hir naokin, maeyaua sima niınanaknınkına saiir. Mi siir nhıeya ha naokiınaiiniya mi iikam krımiir dimın biyie biyeyım saeyar yınaki. Mi krımiirin wi dimın whırki kimbu karamae saeya nwoki owaiginıuım siya maeyau bwaekii idowiya hir naokin. Dimusi rani, wraisu sima naoni hanınaka, tasi siyar nao iskiyın. Mi siya siir piu aiırar nınkinimiiyaekin Adi Komii siirin. ¹³ Krıma biyın iikamim simiir yai imiir kipi wakaeyokna

yaiyım biya Adi Komii siya hauuwım, Mosesni. Krıma Kraıs siir yai imiiram arar dınmiinınkın kırpkai. Dimusi rani, tiki iikamım biya Moses siir yai aiir wakaeyokna apım, sima Kraıs siir nikwowaisiigım. Mi siirın, sima yısomkiyıtkaigi. Mi iikamım, krımiirın wı hiriinan siyü biyie iirar mı tiri biya Kraısni sima tira saiir hiriinan. Yio tiriiginın yio dımın komii rani. ¹⁴ Krıma dımın taeminım biya Moseski si napım simiirsi kipi nıdid simiir haiburgigsi. Kıma dımın taeminım simiirın haiburgig. Dimusi rani, ti nu iirın, krıma om karamaeka krıma nwoyokiyokıyım. Mi om kibiyın Adi Komii siya dirıraerarın mhoiıya krıma nwoyokiyokıyanın krıma siiramar nwowi. ¹⁵ Mi krıma iınokıınokın maırgımaırga dwonanae. Mi Adi Komii siir inıg iirar dokboın praprasnanae. Mi siir inıgın siir timi boınmamaıuu iki iikam nhırım simiir. Dimusi rani, ti dımın komiıyın Kraıs siyar tırın siirsi. Mi ti dımın hiriinanım krıma tiriıyım krımar hauunaeyım yım ini wraisuım Adi Komiini, krıma nınkınımııyaeyım ini simiir hiriinan ywowım. ¹⁶ Mi iınokıınokın kıma ırni nwırni whınkınsiısam daıngwo. Yio ti hiriinan siyü kibiyın yio ini nae kibi kibiyım iikamkım sim nınkınımııyaeyım Adi Komiini maırgımaırga siya nwowam ini simiir hiriinan ywowın.

¹⁷ Kıma kamım yıpiki kimiir bıi nwowiyım mı kimiir kigrıraowiyım simiir yai imiir sibgu wakaeyokna ap. Mi sima kimiir kigrıraowi mı kimiir whınkınsiıs haıgınııwi. Mi mhoiıya simiirın wı Adi Komii siya hıdi siyüın sima kigrıraowın siirsi. Mi kıma simiir yai imiir sibgu wakaeyoknaei mı sima ta mııya kimiir

kigriraowiya saiirin wi nwoki sibgu kigriraowim. Mi kima simiir yai imiir wakaeyokna karam nwowi mi simiirin digiumii haimriiyugigi mi sima ta mi aiiramın, wi maigimaigakak nwo rani. Mi sima wi kimiir whinkinsiis rani, Krais siir yai imiir wakaeyokna apim kima tira saiir hiriinan.

¹⁸ Kima Adi Komii siiramın krimiir whinkinsiis haiginiuwamin, hirii hiriyyar kwisboinanae. Dimusi rani, krıma dimın biye whir bi tirbugin. Mi krıma wi nididgak ha nwo rani. Inokinokin krıma siyu miyikin, siirarar mirii ninkiyaenanaeikin.

¹⁹ Kara kimiirin dimusi boinwirwırkripkai rani. Kara minsi boinwirwiri, kima Adi Komii siiramın hoıngak kwisboinanae kariir whinkinsiis haiginiuwamin, kimiir swokini kignakisasauım.

Kıma Adi Komii siiram kwisboın iikam krımiir whinkinsiis haiginiuwım.

²⁰ Adi Komiiyin yipikin iikam krımiir nwo haiginiuwıyin hisranua Jisis siirin ie hiranki siyar hidninsiin idwokin. Mi siya ini omwaiyar swoki waiyain. Mi siirin siya yokmwın okwo haiginiu, krımiir Biıyan Inkam Komii nwowam. Inkamin sibsib kigriraowıyin siir hiriinan. Mi siirin siya nokmwın okwo haiginiugin krımiir kigriraowam. Dimusi rani, biıya siya bidiyar yaonamin. Mi siir nhıeya bidiyar yaokiınaiıniya krımiirsi, ya tariigina ya kitıbmii boına biıyana Adi Komii siya nımbingika ya saiir kirie haiginiugika. Mi ta Adi Komii siir yaiya ya wi hiriyyar nwoyokiyokıkaeyami inokinokin saeya wi siir kwoın iir kisina haigi rani. Nıngaka. ²¹ Kara ha naıngwowi Adi Komii siya dimın miyik miyikim

wi kimiir nwoki hauuwim kimiir whinkinsiis haiginiuwam. Mi krīma wi dīgi dīgar niki owim dimin taeminim siya boinim krīma tīram mi kara ha naingwowi Jisis Krais siir kīreni mīiya siya naingwowa kīma mīriiya saiirin wi siya nwoki whinkinsiis haiginiuwim. Mi krīma Jisis Krais siir inig iirin inokinokin hīriiyar hainananae. Kaimwoka. Iriig.

Nikopkaigiyan yai aeya.

²² Ti kariir akamim, kara kimiirin minam boinkikin, kīma ta yaiya saiirin sibgu wakae ta yaiya kara kimiiram winkiya saeya yai priei rani. Ta yaiya kara winkiya ya kimiir kwoin imiir whinkinsiis haiginiugika. ²³ Mi kara ha naingwowi kīma whiekakarīn dīnoknīnkin, krīmiir akam kibiyin Timoti, kam biyeyim sīma siirin maeyaua hīuyokiyokaiya saiir hīrankar nonkwo iuguskikin. Mi siya kariir oma tiriirin nimbiniisasauugiswo mi siirin wi kara pi yikiunaniyin kimiir nini kignakiyamin.

²⁴ Kīma iikamim kimiir kīgrīraowiyim mi iikamim naingwo tībmīi kīn ikim kimiir warauranim kīma sīmiir dokboinmamair. Mi krīmiir akamim nu Itali hīranim yipiki Krais siir yai aiir wakaeyokna apiyim, yim sīma iriipi hīriinan kimiir mi okboinmamairgikim.

²⁵ Adi Komii krīmiir Wanin siir naingwobumbuwa ini kīmakar nwowa. Iriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

5350dc83-93b2-5000-9c98-dcdb728ba84f